**捣藻堂四庫全書** 

音薈

要

史部

欽定四庫全書管要 題志卷十上

詳校官員外部臣楊世綸



**灾已日事人告** 先出自帝高陽之子重黎為夏官祝融歷唐虞夏商世 宣皇帝諱懿字仲達河内温縣孝敬里人姓司馬氏其 欽定四庫全書管要卷八千九百七史部 通志卷十上 景帝 文帝 郎 通志 鄭 武帝 樵 惠帝 懷帝 渔 撰

京兆尹防字建公帝即防之第二子也少有奇節聰朗 生豫章太守量字公度量生颍川太守雋字元異雋生 多大略博學洽聞伏膺儒教漢末大亂常慨然有憂天 為郡子孫遂家馬自印八世生征西將軍鈞字叔平鈞 為趙將與諸侯伐秦秦亡立為殷王都河內漢以其地 序其職及商以夏官為司馬其後程伯休父周宣王時 以世官克平徐方錫以官族因而為氏楚漢間司馬印 下心南郡太守同郡楊俊名知人見帝未弱冠以為非

盤桓便收之帝懼而就職於是使與太子游處遷黃門 曹氏解以風痹不能起居魏武使人夜往密刺之帝堅 亮明光剛斷英特非子所及也漢建安六年都舉上計 常之器尚書清河崔琰與帝兄朗善亦謂朗曰君弟聰 樣魏武帝為司空聞而碎之帝知漢運方微不欲屈節 武曰劉備以詐力虜劉璋蜀人未附而遠爭江陵此機 **臥不動及魏武為丞相又辟為文學樣物行者曰若復** 郎轉議郎丞相東曹屬尋轉主簿從討張魯言於魏 通志

中庶子每與大謀輒有奇策為太子所信重與陳羣吳 武帝曰此兒欲路吾著爐炭上耶答曰漢運垂終殿 武曰人苦無足既得雕右復欲得蜀言竟不從既而從 虞夏殷周不以謙讓者畏天知命也魏國既建遷太子 十分天下而有其九以服事之權之稱臣天人之意也 不可失也今岩曜威漢中益州震動進兵臨之勢必瓦 孫權破之軍還權遣使乞降上表稱臣陳說天命魏 因此之勢易為功力聖人不能違時亦不失時矣魏

定四庫全書 |

穀國用豐贍帝又言荆州刺史胡修粗暴南鄉太守傅 謀以食為首今天下不耕者盖二十餘萬非經國遠籌 質朱鑠號曰四友遷為軍司馬言於魏武曰昔箕子陳 為水所沒非戰守之所失於國家大計未有所損而便 時漢帝都許昌魏武以為近賊欲徙河北帝諫曰禁等 於與于禁等上軍皆沒修方果降羽而仁圍甚急馬是 也雖戎甲未卷自宜且耕且守魏武納之於是務農積 方驕奢並不可居邊魏武不之察及蜀将關羽圍曹仁

通志

樊圍自解魏武從之權果遣將吕蒙西襲公安拔之羽 為惡者藏竄觀望今徒其善者既傷其意將令去者不 南冠皆欲徙之帝曰荆楚輕銳易動難安開羽新破諸 遂為蒙所獲魏武以荆州遺熬及屯田在賴川者逼近 親内疏羽之得意權所不願也可喻權所令椅其後則 野危懼帝綱紀丧事內外肅然乃奉梓宫還鄰魏文帝 敢復還從之其後諸亡者悉復業及魏武薨於洛陽朝 遷都既示敵以弱又淮沔之人大不安矣孫權劉備外 戶匹庫全書 | ►

尚書頃之轉督軍御史中丞封安國鄉侯 焚棄二城權果不為冠魏文悔之及魏受漢禪以帝為 患襄陽水陸之衝禦寇要害不可棄也言竟不從仁遂 五年天子南巡觀兵吳疆帝留鎮許昌改封向鄉侯轉 宛帝曰孫權新破關羽此其欲自結之時也必不敢為 以樊襄陽無穀不可以禦冠時曹仁鎮襄陽請召仁還 初二年督軍官罷遷侍中尚書右僕射 位封河津亭侯轉丞相長史會孫權帥兵西過朝議

Let the try tent to (TV

角き

撫軍假即領兵五千加給事中録尚書事帝固辭天子 日吾於庶事以夜繼畫無須史寧息此非以為榮乃分

供軍資臨行詔曰吾深以後事為念故以委卿曹參雖 六年天子復大與舟師征吴復命帝居守內鎮百姓小

有戰功而蕭何為重使吾無西顧之憂不亦可乎天子

自廣陵還洛陽部帝曰吾東撫軍當總西事吾西撫軍

當總東事於是帝留鎮許昌及天子疾篤帝與曹真陳

巧不可任縣諫不見聽乃心達領新城太守封侯假節 事初蜀將孟達之降也魏朝遇之甚厚帝以達言行傾 太和元年六月天子詔帝屯於宛加督荆豫二州諸軍 走之進擊敗瑾斬霸并首級千餘遷驃騎将軍 圍江夏遣其將諸葛瑾張霸并攻襄陽帝督諸軍討權 間此三公者慎勿疑之明帝即位改封舞陽侯及孫權

**屋等見於崇華殿之南堂並受顧命輔政詔太子曰有** 

達於是連吳固蜀潛圖中國蜀相諸葛亮惡其反覆又

通之

委將軍以疆場之任佐將軍以圖蜀之事可謂心贯白 意共為患達與魏與太守申儀有除亮欲促其事乃遣 知耳達得書大喜猶與不决帝乃潛軍進討諸將言達 路耳模之所言非小事也亮豈輕之而令宣露此殆易 日蜀人愚智莫不切齒於將軍諸葛亮欲相破惟苦無 恐達速發以書喻之曰將軍昔棄劉備託身國家國家 郭模詐降過儀因漏泄其謀達聞其謀漏泄將舉兵帝 四月白十二

與二城交構宜觀望而後動帝曰達無信義此其相疑

将来吾無患矣及兵到達又告亮曰吾舉事八日而 之時也當及其未定促决之乃倍道無行八日到其城 城下何其神速也上庸城三面阻水達於城外為 里聞吾舉事當表上天子比相反覆一月間也 吴蜀各遣其将向西城安橋木闌塞以放達帝分諸 己固諸軍足辨則吾所在深險司馬公必不自来 以拒之初達與亮書曰死去洛八百里去吾一 以自固帝渡水破其栅直造城下八道攻之自有六 則

定四車全書一个

帝 誅 于京師天子訪之於帝帝對曰賊以密網東下故 人来降時邊都新附多無戶名魏朝欲加隱實屬帝 餘人振旅還於死乃勸農桑禁浮費南土悅附馬初 衆七千餘家於幽州蜀將姚静鄭他等師其屬七千 使人諷儀儀至問承制狀執之歸於京師又徙孟達 有自疑心時諸郡守以帝新克捷奉禮来賀皆聽之 儀人在魏興專威疆場輒承制刻印多所 男節賢将李輔等開門出降斬達傳首京師俘獲 假授達既

棄之宜弘以大綱 四年遷大將軍加大都督假黃鐵與曹真代蜀帝自西 皖 扼其喉而椿其心夏口東闢賊之心喉若為陸軍以 先對曰吳心中國不習水戰故敢散居東關凡攻敵 從天而監破之必矣天子並然之復命帝屯于宛 定日車全書 其新豐縣軍次丹口遇雨班師明年諸葛亮冠天 斫山開道水陸並進派污而上至于朐 引權東下為水戰軍向夏口乗其虚而擊之此 則自然安樂又問二虜宜討何者 通志 腮上音

能當之者將軍言是也若不能當而分為前後此楚之 等討亮張部勘帝分軍住雅即為後鎮帝曰料前軍 安管自固然後芝麥吾得二日無行足矣於是卷甲晨 自 将軍張部後将軍費曜征蜀護軍戴凌雅州刺史郭淮 付者乃使帝西屯長安都督雅梁二州諸軍事統車騎 三軍所以為黥布擒也遂進軍所麋亮聞大軍且至乃 圍將軍賣嗣魏平於祁山天子曰西方有事非君其可 衆將芝上却之麥諸将皆懼帝曰亮慮多決少义

時軍師杜襲督軍薛悌皆言明年麥熟亮必為冠隴右 亮宵道追擊破之俘斬萬計天子使使者勞軍增封邑 無穀宜及冬豫運帝曰亮再出祁山一攻陳倉挫衂而 貪也亮不敢據渭水此易與耳進次漢陽與亮相遇帝 反縱其後出不復攻城當求野戰必在隴東不在西也 列陣以待之使將牛金輕騎餌之兵才接而亮退追至 山亮屯鹵城據南北二山斷水為重圍帝攻拔其圍 用志

夜赴之亮望塵而遁帝曰吾倍道疲勞此曉兵者之所

青龍元年穿成國渠築臨晉陂溉田數千頃國以充實 矣於是表徙冀州農夫佃上邽與京兆天水南安監治 一缸定四庫全書

·亮每以糧少為恨歸必積穀以吾料之非三稔不能動

子憂之遣征蜀護軍秦朗督步騎二萬受帝節度諸將 二年亮又帥农十餘萬出斜谷壘于郿之渭水南原天

欲住渭北以待之帝曰百姓積聚皆在渭南此必爭之

地也遂引軍而濟背水為壘因謂諸將曰亮若勇者當

重以候其變亮數挑戰帝不出因遺帝中幗婦人之節 戰亮不得進還于五丈原會有長星墜亮之營帝知其 六百餘人時朝廷以亮僑軍遠冠利在急戰每命帝持 以敗遣奇兵拘亮之後斬五百餘級獲生口千餘降者 胡遵雅州刺史郭淮共備陽遂與亮會于積石臨原而 不動帝曰亮欲爭原而不向陽遂此意可知也遣將軍 上原将北渡渭帝遣將軍周當屯陽遂以餌之數日亮 出武功依山而東若西上五丈原則諸軍無事兵亮果

金欽 節而立軍門帝乃止初蜀将姜維聞毗来謂亮曰辛毗 帝怒表請決戰天子不許乃遣骨鲠臣衛尉辛毗杖節 畫中破之必矣與之對壘百餘日會亮病卒諸將燒營 杖即而至賊不復出矣亮曰彼本無戰心所以固請者 為軍師以制之後亮復来挑戰帝将出兵以應之毗杖 不見機多謀而少決好兵而無權雖提卒十萬己墮吾 千里而請戰耶帝弟孚書問軍事帝復書曰亮志大而 以示武於其眾耳將在軍君命有所不受苟能制吾豈 定四庫全書

**適走百姓奔告帝出兵追之亮長史楊儀反旗鳴鼓岩** 必死曰天下奇才也辛毗以為尚未可知帝曰軍家所 帝乃行其營壘觀其遺事獲其圖書糧穀甚衆帝審其 將距帝者帝以窮冦不之逼於是楊儀結陣而去經日 重軍書密計兵馬糧穀今皆棄之豈有人捐其五藏而 赤岸乃知亮死審問時百姓為之諺曰死諸葛走生仲 軟材平底木展前行蒺藜悉著履然後馬步俱進追到 可以生乎宜急追之關中多族教帝使軍士二干人著

飲定四庫全書

擊走之斬干餘級武都氏王符雙疆端帥其屬六千餘 政事曰二十罰已上皆自省覽帝既而告人曰諸葛孔 帝問日諸葛公起居何如食可幾米對曰三四升次問 并其农帝欲乗隊而進有詔不許 明其能久乎竟如其言亮部将楊儀魏延爭權儀斬延 三年遷太尉累增封邑蜀將馬岱入冠帝遣将軍牛金

人来降關東飢帝運長安栗五百萬斛輸于京師

達帝聞而笑曰吾便料生不便料死故也先是亮使至

四年獲白鹿獻之天子歸美於帝及遼東太守公孫 此中下計也天子曰往還幾時對曰往百日還百日 及也今懸軍遠征將謂不能持久必先距遼水而後 的微帝指京師天子曰此不足以勞君事欲必克故 日以六十日為休息一年足矣是時百姓機弊天 安出對曰惟明者能深度彼已豫有所棄 相 以柜大軍次計也坐守襄平此成擒 煩 耳君度其作 何計對日棄城預走 耳天子曰其計 上計也據 此 非

欴

定四車全書

通志

百

将大修宫室帝將即我諫請息役天子納馬 初二年帥牛金胡遵等步騎四萬發自京師車駕送

西 明門的弟子子師送過温賜以穀帛牛酒敕郡守

典農已下皆往會馬見父老故舊燕飲累日遂進師經 孤竹越碣石次軍于遼水淵果遣步騎數萬阻遼隧堅 而守南北六七十里以距帝帝盛兵多張旗幟出其

南賊盡銳赴之乃泛舟潛濟以出其北與賊管相逼沉

舟焚梁傍遼水作長圍棄賊而向襄平諸将言曰不攻

K 出也請救於孫權權亦出兵送為之聲援因遺淵書曰 曰所以不攻其管正欲致此不可失也乃縱兵逆擊大 之必矣遂整陣而過賊見兵出其後果邀之帝謂諸將 ع 9 之三戰皆捷賊保固襄平進軍圍之初淵聞魏軍之 則巢窟虚矣我直指襄平必人懷內懼懼而求戰破 也及之正入其計此王邑所以恥過見陽也古人曰 雖高壘不得不與我戰者攻其所必救也賊大衆在 I wint it had 通き

賊而作圍非所以示衆也帝曰賊堅營高壘欲以老吾

将士四倍於達而 司馬公善用兵變化若神所向無前深為弟憂之會霖 而更安緩愚竊惑馬帝曰孟達衆少而食支一年 進畫夜不息故能一旬之半拔堅城斬孟達今者遠 **岩諸將欲取之皆不聽司馬陳珪曰昔攻上庸八** 四擊一正令半解猶當為之是以不計死傷與糧 大水平地數尺三軍恐欲移營帝令軍中敢有言徒 都督令史張静犯令斬之軍中乃定城恃水棋牧 糧不淹月以一月圖一年安可不速

贠

四周日門

卷十上

當示無能以安之取小利以驚之非計也朝廷聞師 雨咸請召還天子曰司馬公臨危制變計日擒之矣既 夜攻之時有長星色白有芒髮自襄平城西南流于東 而 兵者竟道善因事變城憑稅恃雨故雖饑因未肯束手 之亦何所為自發京師不憂賊攻但恐賊走今賊糧垂 雨止遂合圍起土山地道楯櫓鉤種發矢石雨下畫 而圍落未合掠其牛馬抄其熊采此故驅之走也夫

. . .

通志

也今城农我寡賊饑我能水雨乃爾功力不設雖當促

北墜于梁水城中俱震帽淵大懼乃使其所 謂 任帝謂 御史大夫柳甫乞降請解圍面縛不許執建等皆 可更遣年少有 明 孤為王人位則上公而建等欲孤解圍退舍豈楚 不能守當走餘二事惟有降與死耳汝不肯面縛此 那二人老耄必傳言失旨已 根告淵曰 昔楚鄭列國而鄭 演曰軍事大要有五能戰當戰不能戰當 決者来淵復遣侍中 卷十上 相為斬之若意有未 伯 猶 肉 衛 祖奉羊而迎 署 演乞剋 相 國 郊 B

定

匹庫全書 /

馬男子年十五以上七千餘人皆殺之以為京觀偽公 為決就死也不須送任淵乃攻南圍突出帝縱兵擊敗 綸直賈範等苦諫淵淵皆殺之帝乃釋恭之囚封直等 卿已下皆伏誅戮其將軍畢盛等二千餘人收戶四萬 口三十餘萬初淵篡其叔父恭位而囚之及将反将軍 所詿誤者皆悉原之中國人欲還舊鄉恣聽之時有兵 之墓顯其遺嗣令曰古之伐國誅其鯨鯢而己諸為 之斬于梁水之上星墜之所既入城立兩標以别新舊 定四庫全書 通志

欽

遣千餘人將吏從軍死亡者致喪還家遂班師天子遣 至手詔曰間側息望到到便直排問入視吾面帝大遽 帝便道鎮關中及次白屋有語召帝三日之間語書五 使者勞軍于薊增封食昆陽并前二縣初帝至襄平夢 天子枕其膝曰視吾面伦視有異於常心惡之先是詔 襦者官物人臣無私施也乃奏軍人年六十已上者罷 乃乗追鋒車畫夜無行自白屋四百餘里一宿而至引 士寒凍乞孺帝弗之與或日幸多故孺可以賜之帝曰

名剱優上殷如漢蕭何故事嫁娶喪葬取給於官以世 奏事先由已乃言於天子徒帝為大司馬朝議以為前 帝位遷侍中持節都督中外諸軍録尚書事與爽各統 子師為散騎常侍子弟三人為列侯四人為騎都尉帝 兵三千人共執朝政更直殿中乗興入殿爽欲使尚書 王託帝命與大将軍曹爽並受遺詔輔少主及齊王即 入嘉福殿下内升御床帝流涕問疾天子執帝手以齊 大司馬累竟於位刀以帝為太傅入殿不趨對拜不

巴可華 全善!

通志

盐

固讓子弟官不受 正始元年春正月東倭重譯入貢馬者危須諸國弱

**5 四 届 る で** 

東還役者猶萬餘人雕玩之物動以萬計至是皆奏罷 封邑初魏明帝好修宫室制度靡麗百姓苦之帝自遼 以南鮮界名王皆遣使來獻天子歸美宰輔又指帝

之節用務農天下於賴馬

二年夏五月吴将全琮冦芍陂朱然孫倫圍樊城諸葛

瑾步隱掠祖中帝請自討之議者咸言賊遠来圍與不

萬戶子弟十一人皆為列侯帝熟徳日盛而謙恭愈 中常侍勞軍于死秋七月增封食即臨賴并前四縣邑 至三州口斬獲萬餘人取其舟船軍資而還天子遣侍 士簡精銳募先登中號令示必巧之勢吳軍夜遁走追 南方暑濕不宜持久使輕騎挑之然不敢動於是休戰 之大憂也六月乃督諸軍南征車駕送出津陽門帝以 日邊城受敵而安坐廟堂疆場騷動衆心疑惑是社稷

可卒板挫於堅城之下有自破之勢宜長策以御之帝

文飞日 年 人

通き

+

贼據堅城積穀役引致官兵今懸軍遠攻其救必至進 吴遣將諸葛恪屯皖邊鄙苦之帝欲自擊恪議者多以 道家之所忌四時猶有推移吾何徳以堪之損之又損 以太常常林鄉色舊齒見之每拜恒戒子弟曰盛滿者 退不易未見其便帝曰賊之所長者水也今攻城以觀 穿廣漕渠引河入汴溉東南諸陂始大個於淮北先是 之庶可以免乎 三年春天子追封諡皇考京兆尹為舞陽成侯三月奏

**万四月月**17.7.1.

南北萬餘頃自是淮北倉庾相望壽陽至于京師農官 次于舒恪焚燒積聚棄城而遁帝以滅賊之要在於積 五年春正月帝至白淮南天子使持節勞軍尚書鄧賜 屯兵連屬馬 穀乃大與屯守廣開准陽百尺二渠又修諸陂於賴之 四年秋九月帝督諸軍擊諸葛恪車駕送出津陽門軍 水冬淺船不得行勢必棄水相救由其所短亦吾利也

2 9

need to deline i

通志

其變若用其所長棄城奔走此為廟勝也若敢固守湖

六年秋八月曹爽毀中壘中堅營心兵屬其弟中領軍 果無功而還 李勝等欲令曹爽建立功名勸使代蜀帝止之不可爽 義帝以先帝舊制禁之不可冬十二月天子詔帝朝會

金灰四厚全書

七年春正月吴冠祖中夷夏萬餘家避冠北渡沔帝以

**沔南近賊岩百姓奔還必復致冠宜權留之曹爽曰今** 

不能修守沔南而留百姓非長策也帝曰不然凡物致

爽不從卒令還南賊果襲破祖中所失萬計 形勢御衆之要不可以不審設令賊以二萬人斷沔 遷太后於永寧官專擅朝政兄弟並典禁兵多樹親黨 之安地則安危地則危故兵書曰成敗形也安危勢也 政事時人為之謠曰何鄧丁亂京城 八年夏四月夫人張氏薨曹爽用何晏鄧颺丁諡之謀 三萬人與沔南諸軍相持萬人陸梁祖中将何以收之 改制度帝不能禁於是與爽有隊五月帝稱疾不與

灾

足可華 全書一

通志

嘉平元年春正月甲午天子謁高平陵爽兄弟皆從是 疑帝會河南尹李勝將益荆州来侯帝帝偽稱疾亟示 與曹爽為伎人爽晏謂帝疾為遂有無君之心與當密 日太白襲月帝於是奏永寧太后廢爽兄弟時景帝名 以羸形言語錯繆勝不能覺謂為信然歸以告爽爽等 九年春三月黄門張當私出掖庭才人石英等十 復設備 圖危社稷期有日矣帝亦潛為之備爽之徒屬亦頗

農桓範出赴爽範勸爽奉天子幸許昌移機後天下兵 暴爽罪惡以皇太后物罷爽及義訓吏兵各以本官侯 爽不能用而帝遣人諭爽以事止免官仍指洛水為誓 就第爽得奏不通留駕宿伊水城南帝之舉事也大司 親率太尉蔣濟等勒兵出迎天子屯于洛水浮橋上奏 大將軍事領曹夷營命太僕王觀行中領軍攝義營帝 中護軍將兵屯司馬門帝列陣闕下假司徒高柔節行

爽信之遂罷兵而通帝奏語具曹爽傳中既而有司劾

通志

二年春正月天子命帝立廟于洛陽置左右長史增禄 初 相冬十二月加九錫之禮朝會不拜固讓九錫 也芝綜泣諫以為不可至是有司奏收芝綜帝赦之曰 爽兄弟及其黨何晏丁證鄧賜李勝畢軌桓範等誅之 勸事君者二月天子以帝為丞相增封 爽司馬魯芝主簿楊綜亦斬關赴爽及爽之將歸 陵新汉父城并前八縣邑二萬戶奏事不名固讓丞 門張當以所擇才人與爽并發爽與何晏等反事收 賴川之繁昌 罪

定匹庫全書

罪公當折簡召淩何苦自来邪帝曰以君非折簡之客 刺史令狐愚太尉王凌貳於帝謀立楚王彪 潛知其計不聽夏四月帝自帥中軍汎舟沿流九日而 屬舍人滿十人歲舉樣屬任御史秀才各一人增官騎 百人鼓吹十四人封子形平樂亭侯倫安樂亭侯帝以 三年春正月王凌詐言吴人塞涂事請發兵以討之帝 **从疾不任朝政每有大事天子親幸第以諮訪馬兗州** 甘城凌計無所出乃迎于武邱面縛水次曰凌若有

**東足日華全書** 

邑五萬户侯者十九人固讓相國郡公不受六月帝寢 為相國封安平郡公孫及兄子各一人為列侯前後食 至自甘城天子又使無大鴻臚太僕庾嶷持節策命帝 監察不得交關天子遣侍中韋延持節勞軍于五池帝 疾夢賈達王凌為崇甚惡之秋八月戊寅崩于京師時 餘黨皆夷三族并殺彪悉録魏諸王公置于鄴命有司 凌是大魏之忠臣惟爾有神知之至項仰鳩而死收其 故耳即以凌歸于京師道經賈達廟凌呼曰賈梁道王

忌而外寬猜忌多權變魏武察帝有雄豪志聞有狼 明器後終者不得合葬一如遺命晉國初建追尊曰宣 首陽山為土藏不墳不樹作顧命三篇飲以時服不設 王武帝受禪尊號口宣皇帝陵曰高原廟稱高祖帝內 欲驗之乃召使前行令反顧面正向後而身不動又 華于河陰諡曰文貞後改諡文宣先是預作終制於 相國郡公弟孚表陳先志辭郡公及轀輬車九月庚 七十三天子素服臨甲喪葬威儀依漢霍光故事追

**飲定の事会書!** 

通き

是魏武意逐安及平公孫淵後大行殺戮誅曹爽之際 於是勤於吏職夜以忘寢至於錫收之間悉皆臨優由 明帝以面覆林曰若如公言晉祚復安得長遠迹其猜 支黨皆夷三族男女無少長姑姊妹女子之適人者皆 以得天下導乃陳帝創業之始及文帝末高貴鄉公事 嘗夢三馬同食一槽甚惡馬因謂太子丕曰司馬懿非 臣也必預汝家事太子素與帝善母相全佑故免帝 之既而竟遷魏則云明帝時王導侍坐帝問前世所

成天下之務司馬子元是也魏景初中拜散騎常侍累 略少流美譽與夏侯之何晏齊名晏常稱曰惟幾也能 景皇帝諱師字子元宣帝長子也雅有風彩沉毅多大 崩居喪以至孝聞宣帝之將該曹爽深謀秘策獨與帝 選中護軍為選用之法舉不越功吏無私馬宣移皇后 寝如常而文帝不能安席晨會兵司馬門鎮靜內外置 潜畫文帝弗之知也將發夕乃告之既而使人覘之帝 忍盖有符於狼顧也

Lat Li duta

通志

陣甚整宣帝曰此子竟可也初帝陰養死士三干散在 人間至是一朝而集农莫知所出也事平心功封長平 軍録尚書事命百官舉賢才明少長鄉窮獨理廢滞 嘉平四年春正月運大將軍加侍中持節都督中外 卒伊陟嗣事天子命帝以輔軍大将軍輔政 侯食邑千户尋加衛將軍及宣帝薨議者咸云伊尹 灾匹犀全書 |

泰卸艾石艺典州郡盧毓李豐掌選舉傅嘏虞松參

五年夏五月吴太傅諸葛恪圍新城朝議慮其分兵以 得妄有改革 帝之則詩人之美也三祖典制所宜遵奉白非軍事不 注朝野庸然或有請改易制度者帝曰不識不知 鍾會夏侯玄王肅陳本孟康趙野張緝預朝議四海 順

冦

非一多成則用兵很少成則不足心禦冠恪果并力

通志

之利并兵合肥以冀萬一不暇復為青徐患也且水

准四欲戍諸水口帝曰諸葛恪新得政於吴欲徼

以待之相持 逆擊大破之斬首萬餘 卒趣合偷要其歸路儉帥諸 元元年春正月天子與中書令李豐后父光 未易當且新城小而固攻之未可拔遂命 欽等拒之儉欽請戰帝曰恪卷甲深入投 肥卒如所度帝於是使鎮東將軍母丘儉 ·數月恪· 攻 城力屈死傷大半帝乃 级 四将以為 後 繼 諸 楊 兵死地其 恪 懼 勅 將 禄 孙 高壘 刺 大夫 欽 遁 督

緝黃門監蘇樂永寧署令樂敦冗從僕射劉寶賢等

歃

定

四庫全書

萬帝讓不受天子以元緝之誅深不自安而帝亦愿難 作潛謀廢立乃密諷魏永寧太后秋九月甲戌太后下 呂氏霍光之擒上官曷以過之其增邑九千户并前四 庸回陰構凶愚大將軍糾虔天刑致之誅辟周勃之克 謀以太常夏侯玄代帝輔政帝密知之使舍人王羨以 月乃諷天子廢皇后張氏因下詔曰姦臣李豐等靖譖 帝怒遣勇士以刀罷築殺之逮捕元緝等皆夷三族三 車迎豐豐見迫隨羨而至帝數之豐知禍及因肆惡言

אווא וא ופע כי (נו

三

者重 έp Ð 令以皇帝耽法女寵褻近倡優職人倫之序亂男女 令 明公當之於今今日之事惟 光蘇昌邑以安漢權定社稷 將 小優 安敢避之乃與犀公卿 危社稷不可 以濟育犀生永安萬國皇帝春 如是諸君其如王室何咸曰伊尹放 郭懷衣信等裸袒盆戲又於廣望觀下作 以奉宗廟帝召犀臣會議 彭 士共奏太后日 人以清四 命是從帝曰諸 秋已長未親萬 海 太甲 二代 流 臣 行之於 (港口太 闢 君見望 い寧

講學帝又不從不可以承天序臣請依霍光故事收皇 殊遇先帝臨崩託以遺站臣復本重任不能獻可替否 帝璽綬以齊王歸藩奏可於是有司以太牢策告宗廟 復以彈彈熙每文書入帝不省視太后令帝在式乾殿 帝帝弗聽太后還北宫殺張美人帝甚意望熙諫帝怒 王就乗與副車犀臣從至西掖門帝泣曰先臣受歷世

鐵矣之太后遭合陽君喪帝嬉樂自若清商丞履熙諫

東妖婦道路行人莫不掩目清商令令狐景諫帝帝焼

通志

五五

AT DE TOTAL OF THE LOCAL PARTY OF THE PARTY

ŗ

濟 眀 帝之弟欲立其子高貴鄉公髦帝固爭不獲乃從太后 食 四 穆之序為不次則歷祖之世永無承嗣東海定王 海之主惟在賢哲彭城王據太祖之子以賢 允以年則皇室之長天位至重不得其才不足以寧 六合乃與奉公奏太后太后以彭城王先帝諸父於 於是使使者持節衛送舍河內之重門誅郭懷表信 是日與羣臣議所立帝曰方今宇宙未清二虜爭 公卿士遠惟舊典為社稷深計寧員聖躬使宗廟血 医屋 图 明 卷十 則 眀 衡

趨 國增邑九千并前四萬戶進號大都督假黃鉞入朝 易 夫聖王重始正本敬初古人所慎也明當大會萬农膽 受璽情舉趾高帝聞而憂之及将大會帝訓於天子 令遣使迎高貴鄉公於元城而立之改元曰正元天子 奏事不名級優上殿賜錢五十萬帛五千匹以彰 以祗恪以副四海顒顒式仰奏已天子詔帝登位 穆之容公卿 曰出其言善則千里之外應之雖禮儀周備猶宜 聽玉振之音詩云示民不佻是則是 相 加

钦

定四庫全書!

通志

三六

成 納馬十一月有白氣經天 帝固解 聖質時天子頗修華飾帝復諫以為當崇樸素並敬 相國又上書訓於天子謂宜留心道藝以養

将軍母丘儉揚州刺史文欽舉兵作亂矯太后令移 郡 二年春正月有彗星見於吴楚之分西北竟天鎮東大 請

二月儉欽即衆六萬渡淮而西帝會公卿謀征討計 國為壇盟於西門之外各遣子四人質于吴以

朝

談多謂可遣諸將擊之惟王肅及尚書傅嘏中書侍郎

將史招李續相次来降儉欽移入項城帝遣荆州刺 士本無反志且儉欽欲蹈縱橫之迹習儀秦之說謂遠 將請進軍攻其城帝曰諸君得其一未知其二淮南 王基進據南頓以逼儉帝深壁高壘以待東軍之集 必應而事起之日准 叛自知必敢困獸思關速戰更合其志雖云必 北不從史招李續前後瓦解內 將 諸

油き

二十七

道無行召三方兵大會于陳許之郊甲申次于隱橋儉

鍾會勸帝自行戊午帝統中軍步騎十餘萬以征之倍

風向壽春征東將軍胡遵督青徐諸軍出譙宋之問絕 白 定請登城鼓課擊之可破也既謀而行務三課而欽 樂嘉示弱以誘之欽進軍將攻艾帝潛軍街校徑造 其歸路帝屯汝陽遣兖州刺史鄧文督太山諸軍進屯 能應為退相與引而東帝謂諸将曰欽走矣命發銳軍 露此不戰而剋之也乃遣諸葛誕督豫州諸軍自 人亦多且儉等欺誑将士能變萬端小與持久詐情 定匹居 有言 與欽相遇欽子為年十八勇冠三軍謂 欽曰及其未

保 絲等督步兵繼其後比至沙陽頻陷欽陣弩矢雨下欽 帝遣左長史司馬連督驍騎八千翼而追之使将軍 得去也乃與驍騎十餘推鋒犯陣所向皆披靡遂引去 不應其勢已屈不走何待欽將通為曰不先折其勢不 項儉聞欽敗棄农宵遁淮南安風津都尉追儉斬之 必不走也帝曰一鼓作氣再而哀三而竭奪三鼓欽 而馳大破其軍衆皆投戈而降欽父子與麾下走 通さ

追之諸將皆曰欽舊將為少而銳引軍內入未有失

奪 崩于許昌時年四十八二月帝之喪至自許昌天子 服 傳首京師欽遂奔吴淮南平初帝目有瘤疾使醫割之 增邑五萬户諡曰武公文帝表讓曰臣亡父不敢受 臨吊詔依霍光故事追加大司馬之號心冠軍大將 敗而左右莫知馬閏月疾篤使文帝總統諸軍辛亥 之來攻也號而目出懼六軍之恐蒙之以被痛甚當 相國九命之禮七兄不敢受相 國之位誠以太

쉾

定四庫全書/

常所階歷也今該與二祖同必所私懼者蕭何張良霍

文皇帝諱的字子上景帝之母弟也魏景初三年封新 稱 追尊曰景王武帝受禪上尊號曰景皇帝陵曰峻平廟 文武為諡請依何等就如部許之諡曰忠武晉國既建 世宗

光成有匡佐之功何諡文終良諡文成光諡宣成必以

曹爽之伐蜀也以帝為征蜀將軍副夏侯元出縣谷次

蠲除苛碎不奪農時百姓大悅轉散騎常侍大將軍

城鄉侯正始初為洛陽典農中郎將值魏明奢侈之後

維之冠隴右也在西將軍郭淮自長安距之進帝位安 拜議郎及誅曹爽帥农衛二宮以功增邑千户蜀將姜 為後圖爽等引旋禕果馳兵趣三衛爭險乃得過遂還 曰費禕以據險距守進不獲戰攻之不可宜亟旋軍以 于與勢蜀将王林夜襲帝營帝堅以不動林退帝謂元 欽 定四庫全書一人

保南鄭安軍絕援帥农来降轉安東将軍持即鎮許昌

久而不決帝乃進據長城南趣縣谷以疑之維懼退

西將軍持節屯開中為諸軍節度准攻維別将可安

為後年之資耳若實向於道安肯宣露令外人知今 質任聚穀作邸閣記而復轉行至此正欲了塞外諸 姜維又冠隴右楊聲欲攻狄道以帝行征西將軍次長 東將軍諸葛誕代吳戰于東關二軍敗績坐失侯蜀將 三百户假金印紫綬尋進號都督統征東將軍胡遵 及大軍討王淩帝督淮北諸軍事帥師會于項增食邑 雅州刺史陳泰欲先賊據狄道帝曰姜維攻羌收其

叛帝擊

灾

至日華公士

通志

陽及景帝疾篤帝自京師省疾拜衛將軍景帝崩天子 千户母邱儉文欽之亂大軍東征帝無中領軍留鎮洛! 露元年春正月加大都督奏事不名夏六月進封高 自帥 之遂耀兵靈州北虜震孽叛者悉降以功復封 侯高貴鄉公之立也以參定策進封高 録尚書事輔政剱履上殿帝固辭 六軍而還至洛陽進位大將軍加侍中都督中 許昌尚書傅嘏帥六軍還京師帝用 不受 都 , 概及種· 焦增 封 會 城

而運吾當與四方同力以全勝制之乃率諸軍五 帝曰誕以母邱 年夏五月辛未鎮東大將軍諸葛誕殺楊州刺史樂 殿又固辭不受秋八月庚申加假黃鐵增封三縣 討誕表請天子臨戎秋七月奉 天子及皇太后東 公地方七百里加之九錫假斧鉞進號大都督劍履 淮 南作亂遣子親為質於吳以請救議者請速 檢輕疾傾覆今必外連異冠此為變

定回車全書!

通き

主

兵青徐荆豫分取關中游軍皆會淮北師次于項

餘人留輜重於都陸輕兵至黎凝監軍石艺完州刺史 守常時稱疾不出並斬之以狗八月異将朱異帥兵萬 戌帝進軍邱頭吳使文欽唐咨全端全懌等三萬餘 吴人殺異帝曰異不得至壽春非其罪也而吴人殺之 運艺春復進擊異大破之異之餘卒餒甚食葛葉而道 州泰禦之其退泰山太守胡烈以奇兵襲都陸焚其糧 来救誕諸將逆擊不能禦將軍李廣臨敵不進泰山太 尉何楨節使淮南宣慰将士申明逆順示以珠賞甲 外結吴人自謂足據淮南欽既同惡相濟必不便走今 基並請攻之帝曰誕之逆謀非一朝 楊言吴校方至誕等益寬恣食俄而城中乏糧石艺王 當突圍決一旦之命或謂大軍不能人省食減口冀有 他變料賊之情不出此三者今當多方以亂之備其越 豆人三升欽聞之果喜帝愈為羸形以示之多縱反問 適足以謝壽春而堅誕意使其猶望救耳若其不爾彼 此勝計也因命合圍分遣羸疾就殼准北原軍士大 夕也聚糧完備

灾足日事全書!

若急攻之損游軍之力外冠卒至表裏受敵此危道也 成擒矣全懌母孫權女也得罪於吳全端兄子禕及儀 今三叛相聚於孤城之中天其或者將使同戮吾當以 三年春正月壬寅誕欽等出攻長圍諸軍逆擊走之初 請靜靜兄弟五人帥其农来降城中大駭 奉其母来奔儀兄靜時在壽春用鍾會計作禕儀書以 游兵輕騎絕其轉輸可不戰而破外賊外賊破飲等必 長策原之但堅守三面若賊陸道而来軍糧必少吾以

是徙之三河夏四月歸于京師魏帝命改邱頭曰武 誕 彌徐部等帥其屬哈降表加爵位原其餒疾或言吴 矣二月乙酉攻而拔之斬誕夷三族吴将唐咨孫曼孫 使奪巡城而呼帝見城上持弓者不發謂諸將曰可攻 必不為用請坑之帝曰就令亡還適見中國之弘耳於 旌武功五月天子以并州之太原上黨西河樂平 挺刀殺欽欽子為攻誕不克踰城降以為將軍封

欽內不相協及至窮蹙轉相疑貳會欽計事與誕

足习事全書一个

通志

邑萬户食三縣諸子之無爵者皆封列侯秋七月奏録 先世名臣元功大勲之子随才叙用 景元元年夏四月天子復命帝爵秋如前又讓不受天 釣監青州諸軍事 陽使石岂都督楊州陳騫都督豫州鍾紙都督徐州宋 四年夏六月分荆州置二都督王基鎮新野州泰鎮襄 為門司州之河東平陽八郡地方上百里封帝為晉 加九錫進位相國晉國置官司馬九讓乃止於是增

僕射陳泰曰唯有斬賈充微有心謝天下帝不聽獨 於定四車全書 一 護軍賈克等為之備天子知事池帥左右攻相府稱有 經出懷中黃素記示之戒嚴俟旦沉業馳告于帝帝名 等發甲於凌雲臺召侍中王沉散騎常侍王業尚書王 舎人成齊以戈刺天子天子崩車中帝召百僚謀其故 所討敢有動者族誅相府兵將止不敢戰賈克叱太子 臨軒百百僚而行放點五月戊子夜使冗從僕射李的 子既以帝三世宰輔政非己出情不能安又應奏每将

罪於成濟而斬之語具高貴鄉公紀中於是太后令曰 外内咸知其所行也殺尚書王經貳於我也庚寅帝奏 昔漢昌邑王廢為庶人此兒亦宜以庶人之禮葬之使 刃 日故高貴鄉公帥從駕人兵技刃鳴鼓向臣所臣 節有死無貳事上之義不敢逃難前者變故卒至 相 督成 弟太子舍人濟入兵陣傷公至順臣聞 發機誠欲委身守死惟命所裁然惟本謀乃欲上危 接即初将士不得有所傷害違令者以軍 法 從 懼

文 将軍石芭偽降求迎帝知其許也使艺外示迎之而内 **璜為帝六月改元丙辰天子進帝為相國封晉公增** 后從之夷濟三族與公卿議立燕王宇之子常道鄉公 皇太后傾覆宗廟臣本當元輔義在安國即絡繹申初 内摧裂濟干國亂紀罪不容誅輒收濟家屬付廷尉 不得迫近與輦而濟妄入陣間以致大變哀怛痛恨 定日華全書一 匹固讓乃止冬十一月吴吉陽督蕭慎以書的鎮東 加九錫如初羣從子弟未僕者封亭侯賜錢干萬常 通志 三十五

歸於大將軍府 空鄭冲致晉公茅土九錫帝固辭 為之備 三年夏四月肅慎来獻档矢石砮弓甲貂皮等天子命 二年秋八月甲寅天子使太尉高柔授帝相國印綬司

巻十上

将伐蜀乃謀祝曰自定壽春已来息役六年治兵繕甲

將軍府增置司馬一人從事中即二人舍人十人夏帝

四年春二月丁丑天子復命帝如前又固讓三月詔大

號吞韓并魏之勢也計蜀戰士九萬居守成都及備 不得東顧直指駱谷出其空虚之地以襲漢中彼若嬰 取蜀三年之後因巴蜀順流之勢水陸並進此滅虞定 守險兵勢必散首尾離絕舉大农以屠城散銳卒 萬人百數十日事也又南土下濕必生疾疫今宜先 擬二虜略計取吴作戰船通水道當用千餘萬功 不下四萬然則餘农不過五萬今絆姜維於沓中

野劒閣不暇守險關頭不能自存以劉禪之闇而邊

通艺

艾乃奉命於是徵四方之兵十八萬使鄧艾自狄道攻 城外破士女内震其亡可知也征西将軍鄧艾以為未 姜維於沓中雅州刺史諸葛緒自邢山軍于武街絕維 有釁屢陳異議帝患之使主簿師纂為艾司馬以喻之 王碩攻維營隴西太守牽弘邀其前金城太守楊欣趨 駱谷襲漢中秋八月軍發洛陽大資將士陳師誓衆 定四庫全書 軍鄧敦謂蜀未可討帝斬以徇九月又使天水太守 路鎮西將軍鍾會帥前將軍李護征蜀護軍胡烈等

破蜀將諸葛瞻於縣竹斬膽傳首進軍雖縣劉禪降 捷交至乃重申相國晉公九錫之命令公卿将校旨 府喻旨帝猶以禮辭讓於是司空鄭冲率羣官勸進帝 翼廖化合軍守劒閣鍾會攻之冬十月天子心諸将 乃受之十一月鄧艾帥萬餘人自陰平踰絕險至江油 又使部将易愷攻蔣斌於漢城會直指陽安護軍胡 陷 松鍾會分為二隊入自斜谷使李輔圍王含於樂城 斠 城姜維聞之引還王順追敗維於殭川維

通志

主

子命晉公以相國總百揆於是上節傳去侍中大都督 尚書之號馬表鄧艾為太尉鍾會為司徒會潛謀叛 因密使踏艾 定匹庫全書

長安是時魏諸王侯悉在鄴城命從事中即山壽行軍

司事鎮於鄰遣護軍賈克持節督諸軍據漢中鍾會遂

反於蜀監軍衛瓘右將軍胡烈攻會斬之初會之代蜀

也西曹屬部悌言於帝曰鍾會難信不可令行帝笑曰

議官制太保鄭冲總而裁馬始建五等爵冬十月丁亥 奏遣吴人相國參軍徐的散騎常侍水曹屬孫或使吴 爵為王增封并前二十都夏五月癸未天子追加舞陽 宣文侯為晉宣王舞陽忠武侯為晉景王秋七月帝奏 司空首節定禮儀中護軍賈充正法律尚書僕射裴秀 無能為也卒如所量丙辰帝至自長安三月已卯進帝 後中國將士人自思歸蜀之遺恭猶懷震恐縱有異志 通志

取蜀如指掌而衆人皆言不可唯會與吾意同滅蜀之

喻孫皓以平蜀之事致馬錦等物以示威懷丙午天子 命中撫軍新昌鄉侯炎為晉世子 二年春二月甲辰的腮縣獻靈龜歸於相府夏四月孫 定四庫全書 |

建天子旌旗出警入蹕乗金根車駕六馬備五時副 皓使紀陟来聘且獻方物五月天子命帝冕十有二

置旄頭雲罕樂舞八佾設鍾虡宮懸位在燕王上進 妃為王后世子為太子王女王孫爵命之號皆如帝者

)儀諸禁網煩苛及法式不便於時者帝皆奏除之晉

陽遷中撫軍進封新昌鄉侯及晉國建立為世子拜撫 軍加散騎常侍累遷中護軍假即迎常道鄉公於東武 量魏嘉平中封扎平亭侯歷給事中奉車都尉中壘將 軍大將軍開府副貳相國初文帝以景帝既宣帝之嫡 武皇帝諱炎字安世文帝長子也寬惠仁厚沉深有度 諡曰文王武帝受禪追尊號曰文皇帝 廟稱太祖 月辛卯帝崩于露寢時年五十五九月癸酉葬崇陽陵 國置御史大夫侍中常侍尚書中領軍衛將軍官秋、

通志

逐定 武有超世之才髮委地手過膝此非人臣之相也由是 將議立世子屬意於攸何曽等固爭曰中撫軍聰明神 早世無後以帝弟攸為嗣特加愛異自謂攝居相位百 咸熙二年五月立為晉王太子八月辛卯文帝崩太子 年之後大業宜歸攸每日此景王之天下也吾何與馬 日是月長人見於襄武長三丈告縣人王始曰今當太 相國晉王位下令寬刑宥罪撫农息役國內行服三

定四庫全書 |

復六日學以為已是時晉徳既治四海宅心於是天子 知歷數有在乃使太保鄭中奉皇帝璽綬冊禪位于帝 孝敬盡禮三曰友于兄弟四曰潔身勞謙五曰信義可 乙未令諸郡中正以六條舉淹滯一曰忠恪匪躬二 巴马斯公县 1 初以禮讓魏朝公卿何曾王沉等固請乃從之 通志 四十

光禄大夫皆開府十一月初置四護軍以統城外諸軍

御史大夫中護軍賈充為衛將軍議郎裴秀為尚書令

平九月戊午以魏司徒何曾為丞相鎮南将軍王沉為

泰始元年冬十二月丙寅設壇于南郊百僚在位及匈 爵人五級鰥寡孤獨不能自存者穀人五斛復天下租 尊宣王為宣皇帝景王為景皇帝文王為文皇帝宣王 帝為陳留王邑萬户居于郭宫魏氏諸王皆為縣侯追 七官失爵者悉復之丁卯遣太僕劉原告于太廟封魏 奴南單于四夷會者數萬人柴燎告類于上帝登壇受 及關市之稅一年通債宿員皆勿收除舊嫌解禁 禮畢即洛陽宫幸太極前殿下詔大赦改元賜天下

中山王凌為北海王斌為陳王皇從父兄洪為河間王 義陽王皇從叔父輔為渤海王晃為下邳王環為太原 權為彭城王綏為范陽王遂為濟南王遜為熊王睦為 皇弟攸為齊王鑒為樂安王幾為燕王皇從伯父望為 風王伯為東党王駿為汝陰王彤為梁王倫為琅邪王 封皇叔祖父孚為安平王皇叔父幹為平原王亮為扶 王珪為高陽王衡為常山王子沛為沛王泰為隴西王

她張氏為宣穆皇后尊太她王氏曰皇太后宫曰崇化

灾足日華全書!

樂陵公車騎將軍陳騫為高平公衛將軍賈充為車騎 皇從父弟稱為東平王以驃騎將軍石艺為大司馬封 相 将軍魯公尚書令裴秀為鉅鹿公侍中首弱為濟北公 陵公司空首題為臨淮公鎮北大將軍衛瓘為畜陽公 太保鄭冲為太傅壽光公太尉王祥為太保睢陵公丞 泰始歷臘以酉社以丑戊辰下詔大弘儉約出御府珠 其餘增封進爵各有差文武並增位二等改景初歷為 何曾為太尉朗陵公御史大夫王沉為驃騎将軍博

節然東手受罪今大赦其家還使立後與減繼絕約法 告王凌謀廢齊王而王竟不足以守位鄧艾雖於功失 魏正朔郊祀天地禮樂制度旨如魏舊上書不稱臣賜 宿衛七軍已己記陳留王載天子旌旗備五時副車行 山陽公劉康安樂公劉禪子第一人為駙馬都尉己亥 玉玩好之物頑賜王公以下各有差置中軍將軍以統 以安平王孚為太宰假黄鉞大都督中外諸軍事詔曰 刑除魏氏宗室禁錮諸將吏遭三年喪者遣寧終喪

巴马草 金井雪

禁樂府靡麗百戲之伎及雕文游畋之具開直言之路 置諫官以掌之是月鳳凰六青龍三白龍二麒麟各 見于郡國 二年春正月丙戌遣煎侍中侯史光等持即四方循省 百姓復其徭役罷部曲將長吏以下質任省郡國御調 俗除穰稅之不在祀典者丁亥有司請建之廟帝重

景皇后宫曰弘訓丙午立皇后楊氏二月除漢宗室禁

其役不許庚寅罷鷄鳴歌辛五尊景皇帝夫人羊氏曰

孫述旨未正君臣之儀所以羈縻未賓也皓遣使之始 其能正色獨違匡救不逮者以無此選三月戊戌吴 闕然保氏獨以諫諍為職今之侍中常侍實處此位 文皇帝於明堂以配上帝庚午詔曰古者百官官箴王 侯皆食本户十分之一丁丑郊祀宣皇帝以配天宗祀 **侯者傳封次子為亭侯為鄉侯為闢內侯亭侯為關中** 定四庫全書一 吊祭有司奏為答詔帝曰昔漢文光武懷無尉作

已未常山王衡薨詔曰五等之封皆録舊勲本為縣

哀敬如喪者戊辰有司奏改服進膳不許遂禮終而 山 濟 熊王遜薨丙午晦日有食之八月丙辰省右 之石鑄 沖每事觀表非 王官表上之壬子驃騎將軍博陵公王沉卒六月 知國慶但以書答之夏五月戊辰詔曰陳留王操尚 雖從漢魏之制既葬除服而深衣素冠降 南王遂薨秋七月辛已管太廟致荆山之木采華 餇 杜十二逢以黄金鏤 所 以優崇之也主者喻意非大事旨 以下百物! 綴 ۲Z 將 朋 席 珠 撤 軍 膳 官

舜禹之迹應天順時受禪有魏宜一用前代正朔服色 是何言乎其詳評議戊戌有司奏大晉繼三皇之蹤 復吉及太后之喪亦如之九月乙未散騎常侍皇甫陶 慨也每陳事出付主者多從深刻乃云恩貸當由主上 主人臣所至難而苦不能聽納自古忠臣直士之所康 傅玄領諫官上書諫諍有司奏請寢之詔曰凡關言人 如虞遵唐故事奏可冬十月丙午朔日有蝕之丁 曰昔舜葬蒼梧農不易畝禹葬成紀市不改肆上惟 蹈

ع 9

/ army ny norm

通志

四十四

東為皇太子語以近世建立太子每施寬宥朕所不取 追尊景帝夫人夏侯氏為景懷皇后辛卯遷祖禰 租考清簡之旨所徙陵十里內居人動為騷擾一切停 三年春正月癸丑白龍二見於弘農渑池丁卯立皇子 一至之祀合於二郊罷山陽公國督軍除其禁制己 太廟十二月罷農官為郡縣是歲鳳凰六青龍十黃 九麒麟各一見於郡國 月已卯倭人来獻方物並園丘方澤於南北 神主 郊

四月白言

首類為司徒冬十月聽士卒遭父母喪者非在疆場皆 其五署還光禄敷九月甲申詔增吏俸及賜王公以 谷口有元石一所白畫成文實大晉之休祥圖之以獻 其布告天下咸使知聞三月戊寅初令二千石得終 年喪丁未畫昏罷武衛將軍官以李憙為太子太傅太 石崩夏四月戊午張掖太守焦勝上言氏池縣 各有差以太尉何曾為太保義陽王望為太尉司空 以制幣告于太廟藏之天府秋八月罷都護將軍

通志

四+五

得奔赴十二月徙宗聖侯孔震為奉聖亭侯山陽公劉 康来朝禁星氣纖緯之學 四年春正月辛未以尚書令裴秀為司空丙戌律令成

定四庫全書

置山陽公國相郎中令陵令雜工宰人鼓吹車馬各有

差罷中軍將軍置北軍中候官甲寅以東海劉儉有至

行拜為郎以中軍將軍羊祜為尚書左僕射東莞王仙

詔大赦天下長吏郡丞長史各賜馬一匹二月庚子增

封爵賜吊各有差有星字于軫丁亥帝耕于籍田戊子

進之有不孝不悌不率禮法糾而罪之若長吏庶直不 遠必泥士無有好學寫道孝悌忠信清白異行者舉而 陵罷振威楊威護軍官置左右積弩將軍六月甲申朔 存問者老親見百年録囚徒理冤枉察政刑得失敦喻 詔郡國守相巡行屬縣見長吏觀風俗協禮律考度量 五教勸務農功勉勵學者思勤正典無為百家庸末致 太保睢陵公王祥薨已亥科葬文明皇后王氏於崇陽 為尚書右僕射三月戊子皇太后王氏崩夏四月戊戌

次足日車至書 一

通き

四十六

遣太尉義陽王望屯龍陂荆州刺史胡烈擊敗郁吳將 者皆不可隱情冬十月吴將施續入江夏萬郁冠襄陽 開倉以振之詔曰雖詔有所欲及奏得可而於事不便 泰山石崩农星西流戊午遣使者候史光循行天下已 軍修則十一月吳將丁奉等出芍陂安東將軍汝陰王 顧容冠鬱林太守毛昊大破之斬其交州刺史劉俊將 褐崇陽陵九月青徐兖豫四州大水伊洛溢合於河 名譽者及貪穢諂贖公即不立者並謹察之秋七月

駁與義陽王堂擊走之已未 話王公卿 尹及郡國守相 禁游食商販丙申帝臨聽訟觀録囚徒多所原遣青龍 扶南林邑各遣使來獻 舉賢良方正直言之士十二月班五條記書於郡國 去人事庚寅帝臨聽訟觀録廷尉洛陽獄囚親平決馬 五年春正月癸已申戒郡國計吏守相令長務盡地利 曰正身二曰勤百姓三曰撫孤寡四曰敦本息末五曰 二見於滎陽二月以雅州隴右五郡及涼州之金城梁

九三日事金書一

通志

東大將軍都督徐州諸軍事丁亥詔曰古者嚴書羣吏 軍事征東大将軍衛瓘都督青州諸軍事東莞王仙鎮 州之陽平置秦州辛巳白龍二見於趙國青徐充三州 常吾將議其功勞已未記蜀相諸葛亮孫京隨才署吏 之能否三年而誅賞之諸令史前後但簡遣疎另而無 水遣使振恤之壬寅以尚書左僕射羊祜都督荆州諸 夏四月地震五月辛卯朔鳳凰見于趙國曲赦交趾九 有勸進非點防之謂也其係勤能有稱尤異者歲以為

誇有司奏棄市帝曰朕之過也捨而不問罷鎮軍將軍 六年春正月丁亥朔帝臨軒不設樂吴将丁奉入渦口 十二月韶州郡舉勇猛秀異之才 斛十一月追封諡皇弟兆為城陽哀王以皇子景度嗣 于紫宫冬十月丙子以汲郡太守王宏有政績賜穀千 復置左右將軍官秋七月延羣公詢讜言九月有星孛 言甚切直握為屯留令西平人翹路代登聞鼓言多妖 真日南五歲刑六月都奚官督郭康上疏陳五事以諫

次足日車全書!

通志

里

書石鑒行安西將軍都督秦州諸軍事與奮威護軍田 龍二見於東莞五月立壽安亭侯承為南宫王六月戊 章討之秋上月丁酉復隴右五郡遇寇害者租賦不能 自存者廪貸之乙已城陽王景度薨詔曰自泰始以来 未以汝陰王駿為鎮西大將軍都督雅涼二州諸軍事 大事皆撰録秘書寫副後有其事輒宜綴集以為常丁 午秦州刺史胡烈擊叛虜於萬斛堆力戰死之詔遣尚 州刺史牽弘擊走之三月赦五歲刑已下夏四月白 軍官 奔拜驃騎将軍開府儀同三司封會稽公戊辰復置鎮 子東為汝南王十二月吴夏口督前将軍孫秀帥农來

行鄉飲酒之禮賜太常博士學生常牛酒各有差立皇

九月大宛獻汗血馬馬者来貢方物冬十一月幸辟雅

北以距之三月丙戌司空鉅鹿公裴秀薨癸己以中護

A data i

通志

罕九

七年春正月丙午皇太子冠賜王公帛各有差內奴帥

猛叛出塞二月孫皓帥衆趨壽陽遣大司馬望屯淮

吴將虞记所攻軍敗死之北地胡冠金城凉州刺史奉 調 月 子憲為城陽王雅梁秦三州機赦其境內殊死以 弘討之犀虜内叛圍弘於青山弘軍敗死之五月立皇 (望薨大雨霖伊洛河溢流居人四千餘家殺三百餘 大雾太官減膳的交趾三郡南中諸郡無出今年户 將何崇帥衆五千人來降夏四月九真太守董元為 王業為尚書左僕射高陽王珪為尚書右僕射係 六月詔公卿以下舉將帥各一人辛丑大司馬義陽 秀 閏

四月五十二

衰為司空 薨十二月大雪罷中領軍并北軍中侯以光禄大夫鄭 城陽王憲薨分益州之南中四郡置寧州曲赦四郡 東大將軍衛瓘為征北大將軍都督幽州諸軍事丙申 飲定四庫全書 死以下冬十月丁丑日有蝕之十一月丁已衛公姬署 通志 五十

督秦凉二州諸軍事吴將陷璜等圍交趾太守楊稷與

人有的振貸給棺秋上月葵酉以車騎將軍賣充為都

鬱林太守毛炅及日南等三郡降於吴八月丙戌以征

主常以阿媚為患豈以爭臣為損哉藏越職妄奏豈朕 騎常侍鄭嶽表罪之帝曰讜言謇諤所望於左右也人 恪殺猛而降癸亥帝耕于籍田二月乙亥禁雕文綺組 牙門張弘誣其刺史皇甫晏反殺之傳首京師弘坐伏 都者各三人帝與右將軍皇甫陶論事陶與帝爭言散 之意遂免撤官夏四月置後将軍以備四軍六月益州 八年春正月監軍何楨討匈奴劉猛累破之左部帥李 法之物壬辰太宰安平王子薨詔內外奉官舉任邊

禽 朔 闡於西陵巴東監軍徐尚擊建平以故闡冬十月辛 攻闡遣車騎將軍羊枯率农出江陵荆州刺史楊肇迎 九年春正月辛酉司空密陵侯鄭表薨二月癸已司徒 闡来降拜衛將軍開府儀同三司封宜都公吴將陸抗 **誅夷三族壬辰大赦丙申詔復隴右四郡遇冠害者田** 秋七月心車騎將軍賈充為司空九月吳西陵督步 日有蝕之十二月肇攻抗不尅而還闡城陷為抗所

**節定四車全書 1 €へ** 

通志

樂陵公石包薨立安平亭侯隆為安平王三月立皇子 畢權禁斷婚姻冬十月辛已制女年十七父母不嫁者 窜般略五千人 語聘公卿以下子女以備六宫采擇未 官左右中郎将弘訓太僕衛尉大長秋等官鮮甲冠廣 有食之吳將魯淑圍弋陽征虜將軍王渾擊敗之罷五 使長吏配之十一月丁酉臨宣武觀大閱諸軍甲辰乃 何曽領司徒六月乙未東海王祗薨秋七月丁酉朔日 祇為東海王夏四月戊辰朔日有食之五月旱以太保

一罷

-年春正月辛亥帝耕于籍田閏月癸酉太傅壽光公

登如后之職亂尊界之序自今以後皆不得登用妾 嫡庶之别所以辨上下明贵賤而近世以来多皆內寵 鄭冲薨已卯高陽王珪薨庚辰太原王瓌薨丁亥詔

觀録囚徒多所原遣是夏大蝗秋七月丙寅皇后楊氏 之夏四月已未太尉臨淮公前顗薨六月癸已臨 以為嫡正二月分幽州五郡置平州三月癸亥日有

定四事全書!

通志、

崩壬午吴平虜將軍孟泰偏將軍王嗣等帥衆降 京州虜冠金城諸郡鎮西將軍汝陰王駿討之斬其帥 富平津冬十一月立城東七里澗石橋庚午帝臨宣武 將孫遵李於帥衆冠江夏太守嵇喜擊破之立河橋于 軍陳騫為太尉攻拔吴枳里城獲吳立信校尉莊枯 乞文泥等戊申葬元皇后于峻陽陵九月癸亥以大将 觀大閱諸軍十二月有星字于較置籍田令立太原王 ,緝為高陽王吴威北將軍嚴聰楊威將軍嚴整偏將 月

咸寧元年春正月戊午朔大赦改元二月以将士應已 畀 賜穀百斛以奉禄薄賜公卿以下帛有差叛虜樹機能 娶者多家有五女者給復辛酉以故郭令夏謖有清 軍朱買来降是嚴鑿陝南山決河東注洛以通運漕 送質請降夏五月下邳廣陵大風拔木壞廬舎六月 晦日有蝕之郡國鎮八月壬寅沛王子文薨以故太 鮮界破之斬其渠帥戊申置太子詹事官秋七月 力機遣子来獻吴人冠江夏西域戊已校 尉馬循

欽

定四庫全書

週志

監首弱平南将軍羊枯齊王攸等時列於銘饗九月 安平獻王孚等及太保何曾司空賈充太尉陳騫中書 是月大疫洛陽死者大半封裝額為鉅鹿公 子青州蟆徐州大水冬十月乙酉常山王殷薨癸巳彭 二年春正月以疾疫廢朝賜諸散吏至於士卒絲各有 月丁亥追尊宣帝廟曰高祖景帝曰世宗文帝曰太祖 王權薨十一月癸亥大閱於宣武觀至於已已十

傅鄭冲太尉荀顗司徒石邑司空裴秀驃騎将軍王沉

豐廢澄自領郡事豐死弟宏代之至是涼州刺史楊於 煌太守尹璩卒州以敦煌令梁澄領太守事議郎令 差二月丙戌河間王洪薨甲午赦五歲刑以下東夷 頃遇度氣死亡為之愴然豈以一身之休息忘百姓 斬宏傳首洛陽先是帝不豫及瘳羣臣上壽詔曰每念 國歸化并州虜犯塞監并州諸軍事胡奮擊破之初 **邪諸上禮者皆絕之夏五月鎮西大將軍汝陰王** 胡斬其渠帥吐敦立國子學庚午大零六月癸丑

足日車全書一

南 薦荔支於太廟甲戌有星孛於氏白春旱至於是月始 域戊已校尉馬循討之斬首四千餘級獲生九千餘 白龍二見於新興井中秋七月有星字於大角吴臨 雨吴京下督孫指帥衆来降以為車騎将軍封丹陽 於是来降八月庚辰河東平陽地震已亥以太保何曾 湖開天下平葵五安平王隆薨東夷十七國內附 魏郡暴水殺百餘人詔給棺鮮甲阿羅多等寇邊西 自漢末迎塞至是自開父老相傳云此湖塞天下亂 侯

將軍楊駿為臨晉侯是月以平州刺史傅詢前廣平太 将軍羊枯為征南大將軍丁卯立皇后楊氏大赦賜 未起太倉於城東常平倉於東西市閏月荆州五郡水 公以下及於鰥寡各有差十一月白龍二見於梁國十 流四千餘家冬十月以汝陰王駿為征西大將軍平南 將軍齊王攸為司空有星字於太微九月又字于翼下 二月徵處士安定皇甫諡為太子中庶子封后父鎮軍

**飲定四事全書** 

通志

為太傅太尉陳騫為大司馬司空賈充為太尉鎮東大

守孟桓清白有聞詢賜帛二百匹桓百匹

穆王隆弟敦為安平王詔以衛將軍扶風王亮為宗 一年春正月丙子朔日蝕立皇子裕為始平王安平 凡宗室戚屬所當施行皆豁之庚寅始平王裕薨有

星李于西方使征北大將軍衛瓘討鮮甲力微三月平

**虜護軍文淑討叛虜樹機能等並破之有星字于胃乙** 

帝將射难慮損麥苗而止夏五月戊子吴將部凱夏

帥农七千餘人来降六月益梁八郡水殺三百餘人

武王立皇子璋為始平王允為濮陽王該為新都王遐 南王東為南陽王濟南王耽為中山王河間王威為章 顒為河間王北海王陵為任城王陳王斌為西河王汝 扶風王琅邪王倫為趙王渤海王輔為太原王太原 扶風王亮為汝南王東莞王伷為琅邪王汝陰王駿為 沒邸閣别倉秋七月心都督豫州諸軍事王軍為都督 州諸軍事中山王睦以罪廢為丹水侯八月癸亥徙

為清河王鉅平侯羊祜為南城侯以汝南王亮為鎮南

E

to date |

通志

五十六

赞為廣漢王冬十一月 丙戌帝臨宣武觀大閔至于壬 梁上州大水傷秋稼詔振給之立齊王子殺為遼東王 辰十二月吴将孫慎入江夏汝南畧千餘家而去是嚴 四年春正月庚午朔日有蝕之三月甲申尚書左僕射 西北雜虜及鮮犀匈奴五溪蠻夷東夷三國前後千餘 大將軍大風拔樹暴寒且冰郡國五隕霜傷穀九月戊 子以左將軍胡奮為都督江北諸軍事宛豫徐青荆益 各帥種人部落內附

衛瓘為尚書令楊州刺史應綽伐吴皖城斬首五千級 宰辛已以尚書令李肖為司徒冬十月以征北大将軍 景獻皇后羊氏于峻平陵庚寅高陽王緝薨癸已范陽 武地震甲子又震涼州刺史楊於與虜若羅拔能等戰 王綏薨荆楊邵國二十皆大水九月以太傅何曾為太 **盧欽卒辛酉以尚書右僕射山濤為尚書左僕射東夷** 于武威敗績死之弘訓皇后羊氏崩秋七月已丑科葬 六國來獻夏四月蚩尤旗見於東井六月丁未陰平廣

人工 日 五 人

通志

五

薨是歳東夷九國內附 枯卒十二月乙未西河王斌薨丁未太宰朗陵公何曽 武威太守馬隆擊之二月甲午白麟見于平原三月句 五年春正月虜帥樹機能攻陷涼州乙丑使討虜護軍

以尚書杜預

,都督荆州諸軍事征南大將軍羊

敢有犯者罪之吴昭武将軍劉翻厲武将軍祖始來

頭裘帝心奇技異服典禮所禁焚之于殿前甲申勍

|焚穀米百八十萬斛十一月辛已太醫司馬程據獻

月大舉代吴遣鎮軍將軍琅邪王他出涂中安東将軍 魏襄王冢得竹簡小篆古書十餘萬言藏于秘府十一 寅匈奴餘渠都督獨雅等的部落歸化及郡人不準掘 七月有星字于紫宫九月甲午麟見于河南冬十月戊 督以下質任丁亥郡國八雨電傷秋稼壞百姓盧舎秋 王渾出江西建威将軍王戎出武昌平西将軍胡奮出 之半有星字于柳夏四月又字于女御大赦降除部曲 奴都督拔实虚帥部落歸化乙亥以百姓饑饉城御

通志

五十八

梏矢石砮 尉賈充為大都督行冠軍將軍楊濟為副總統眾軍 軍唐彬率巴蜀之卒浮江而下東西凡二十餘萬以太 夏口鎮南大將軍杜預出江陵龍驤將軍王濟廣武將 二月馬隆擊叛虜樹機能大破斬之涼州平肅慎來獻 四周白雪

贞

太康元年春正月已丑朔五色氣冠日癸丑王渾尅吴 賴鄉諸城獲吴武威将軍周興二月戊午王濟

彬等尅丹陽城庚申又尅西陵殺西陵都督鎮軍將軍

傳檄而定預當分萬人給濬上千給彬夏口既平畬宜 共平夏口武昌順流長騖直造秣陵與奮戎審量其宜 州諸軍事復下的日濟彬東下掃除巴邱與胡奮王我 進樂鄉荆門諸成相次来降乙亥心宿為都督益梁二 斬吴江陵督王延平南将軍胡奮尅江安於是諸軍並 鄉城殺夷道監陸晏水軍都督陸景甲戌杜預尅江陵 杜預當鎮靜零桂懷輯衡陽大兵既過荆州南境固當 留憲征南将軍成據西陵監鄭廣王戍濟又尅夷道樂

E 9

THE AL ALIO!

通志

五十九

琅 及其將孫震沈瑩傳首洛陽孫皓窮蹙請降送璽綬於 皆平王渾周沒與吴丞相張悌戰于版橋大敗之斬 以七千人給濟武昌既了戎當以六千人增彬太尉充 二萬三千吏三萬二千兵二十三萬男女口二百三十 大懼面縛與機降于軍門潛杖節解縛焚機送于京 屯項總督諸方濬進破夏口武昌遂泛舟東下所至 收其圖籍尅州四郡四十三縣三百一十三户五十 王仙三月壬申王濬以舟師至于建鄴之石頭 Æ 孫 悌

諸子為即中吳之舊望隨才擢叙孫氏大将戰亡之家 萬其牧守以下皆因吴所置除其苛政示之簡易吴人 帝臨軒大會引皓升殿羣臣咸稱萬歲丁卯薦郡渌酒 從於壽陽將吏渡江復十年百姓百工復二十年丙寅 傷宿麥五月辛亥封孫皓為歸命侯拜其太子為中郎 使楊越慰其初附白麟見于頓邱三河魏郡弘農雨雹 東高平雨雹傷秋稼遣無侍中張側黄門侍郎朱震分 大悅乙酉大赦改元大酺五日恤孤老困窮夏四月

通き

**六** 

|罷歸于家庚辰以王濬為輔國大將軍襄陽侯杜預當 陽侯王戎安豐侯唐彬上庸侯賈充琅邪王仙以下增 于太廟郡國六電傷秋稼庚午記諸士卒年六十八上 釛 置 餘人東夷二十國朝獻庚寅以尚書魏舒為尚書右僕 定匹庫全書 | 於是論功行封賜公卿以下常各有差六月丁丑初 化秋七月虜軻成泥寇西平浩齊殺督将以下三百 胡軍校尉官封丹水侯睦為高陽王甲申東夷十國 八月車師前部遣子入侍己未封皇弟延祚為樂平

秋七月上黨又暴風雨雹傷秋稼八月有星孛于張冬 帝漁讓弗許冬十月丁已除五女復十二月戊辰廣漢 大風拔樹壞百姓廬舍江夏泰山水流居人三百餘家 東夷五國朝獻夏六月東夷五國內附郡國十六雨雹 王公以下吴生口各有差語選孫皓妓妾五千人入宫 王對薨 | 年春二月淮南丹陽地震三月丙申安平王敦薨賜

王白龍二見于永昌九月羣臣以天下一統屢請封禪

文足日華 A MES ■

通志

六十二

昌黎殺傷數萬人夏四月庚午太尉魯公賈充薨閏月 督幽州諸軍事三月安北將軍嚴詢敗鮮甲慕容應於 國歸化獻其方物異故將莞恭帛奉舉兵反攻害建鄴 有星字于軒轅鮮甲冠遼西平州刺史鮮于嬰討破之 月罷平州寧州刺史三年一入奏事九月東夷二十九 丙子司徒廣睦侯李尚薨癸丑白龍二見于濟南秋八 三年春正月丁丑罷秦州并雅州甲午心尚書張華都 十月鮮甲慕容廆寇昌黎十一月壬寅大司馬陳騫薨

無出田租 **濤為司徒尚書令衛瓘為司空丙申詔四方水旱甚者** 邪王伷為撫軍大將軍汝南王亮為太尉光禄大夫山 司空齊王攸為大司馬督青州諸軍事鎮東大将軍琅 四年春正月甲申以尚書右僕射魏舒為尚書左僕射

令遂圍楊州徐州刺史嵇喜討平之冬十二月甲申以

钦定四庫全書一个

立長樂亭侯寔為北海王三月辛丑朔日有蝕之癸丑

邳王晃為尚書右僕射戊午司徒山壽薨二月己

尚書右僕射冬十一月戊午新都王該薨以尚書左僕 射魏舒為司徒十二月庚午大閱丁宣武觀是歲河南 租八月鄯善國遣子入侍假其歸義侯以隴西王泰為 大司馬齊王攸薨夏四月任城王陵薨五月已亥大將 牂牁獠二千餘落內屬秋七月壬子以尚書右僕射 邳王晃為都督青州諸軍事丙寅兖州大水復其田 琅邪王仙薨徙遼東王姓為東莱王六月增九卿禮 卷十七

放林邑大秦國各遣使来獻閏月鎮南大將軍當陽侯 霜傷秋稼冬十一月甲辰太原王輔薨十二月庚午大 下户課三分之一九月南安大風折木郡國五大水隕 七月戊申皇子恢薨任城梁國中山雨雹傷秋稼減天 飲定四庫全書/ .通 主

水赤如血五月两午宣帝廟梁折六月初置黄沙微秋

南宫王子玷為長樂王壬辰地震夏四月任城魯國池

五年春正月已亥青龍二見于武庫井中二月丙寅立

鎮東大将軍王濬為撫軍大将軍九月丙子山陽公劉 麥夏四月扶南等十國来獻參離四千餘落內附郡 諸軍事楊濟都督荆州諸軍事三月郡國六隕霜傷桑 康薨冬十月南安山崩水出南陽郡獲兩足獸龜茲馬 四旱十大水壞百姓盧舍秋七月巴西地震八月丙戌 征南大將軍王渾為尚書左僕射尚書褚碧都督楊州 六年春正月庚申朔以比歲不登免租貸宿員戊辰以 日有蝕之減百姓綿絹三分之一白龍見于京兆以 國

軍扶風王駿薨郡國八大水冬十一月壬子八龍西王 泰都督關中諸軍事十二月遣侍御史巡遭水諸郡出 震八月東夷十一國內附京兆地震九月戊寅驃騎将 十三旱鮮早慕容應寇遼東秋七月朱提山崩犍為地 七年春正月甲寅朔日有蝕之己卯詔以災異屡發令 庚子撫軍大將軍襄陽侯王濬卒 者國遣子入侍十二月甲申大閱于宣武觀旬日而罷 公卿大臣各上封事極言其故勿有所諱夏五月郡國

樹木壞百姓廬舍郡國八大水秋七月前殿地陷深數 商觀震夏四月齊國大水隕霜傷麥六月魯國大風 終喪三年已亥河陰雨亦雪二頃是歲扶南等二十 後宫才人妓女以下二百七十人歸于家始制大臣聽 月南康平固縣吏李豐反聚农攻郡縣自號將軍十 國馬韓等十 中有破船八月東夷二國內附九月改營太廟冬 年春正月戊申朔日有蝕之太廟殿陷三月乙丑 **灾匹庫全書** 國遣使来獻 臨

清又令內外郡官舉清能拔寒素江東四郡地震二月 来獻是歲郡國五地震 尚書右僕射陽夏僕胡奮卒以尚書朱整為尚書右僕 射三月丁丑皇后親秦于西郊賜吊各有差壬辰初并 九年春正月壬申朔日有食之詔刺史二千石糾濁楊 陽羡縣州郡捕討皆伏誅南夷扶南西域康居各遣使 月海安令蕭輔聚衆反十二月吴興人蔣廸聚黨反圍 社為一夏四月江南郡國八地震龍西隕霜傷宿麥

通志

六十五

附 為章武王戊申青龍黃龍各一見于魯國 都國三十二大旱傷麥秋八月壬子星隕如雨記郡國 各賜穀千斛郡國八隕霜太廟成乙已遷神主于新廟 十年夏四月心京北太守劉霄陽平太守梁柳有政績 令之才六月庚子朔日有食之徒章武王威為義陽王 五歲刑以下決遣無留無獄九月東夷七國詣校尉內 五月義陽王奇有罪點為三縱亭侯詔內外都官舉守 郡國二十四鎮冬十二月癸卯立河間平王洪子英

厅四月全 11 |

幸為楚王濮陽王允為淮南王並假節之國各統方州 大司馬大都督假黄鐵改封南陽王東為秦王始平王 十一月丙辰守尚書令左光禄大夫荀勗卒帝疾瘳賜 劉瑾薨復置二社冬十月壬子徙南宫王承為武邑王 鮮甲慕容應來降東夷十一國內附六月庚子山陽公 帝迎于道左遂拾祭大赦文武增位一等作廟者二等 王公以下帛有差含章殿鞠室大甲申以汝南王亮為 丁未尚書右僕射廣與侯朱整卒癸丑崇賢殿災五月

灾足日事在后

通き

諸王國相為內史十二月庚寅太廟梁折是歲東夷絕 澹為東武公縣為東安公淮為廣陵公卷為東莞公改 漢王始平王子儀為毗陵王汝南王次子养為西陽公 豫章王演為代王皇孫適為廣陵王立濮陽王子迪為 遠三十餘國西南夷二十餘國来獻 屬五戌奚軻男女 徙扶風王暢為順陽王暢弟歆為新野公琅邪王覲弟 軍事立皇子义為長沙王顏為成都王晏為吴王熾為 十萬口来降

发 臣 是 名 严

静四方永魏氏奢侈刻弊之後百姓思古之遺風乃屬 未曾失色於人明達善謀能斷大事故得撫寧萬國綏 陽陵廟號世祖帝宇量弘厚造次必於仁恕容納讀正 軍事録尚書事已酉帝崩于含章殿時年五十五葬峻 琅邪王覲薨三月甲子以右光禄大夫石鑒為司空夏 渾為司徒司空衛雖為太保二月辛丑東夷七國朝貢 四月辛丑以侍中車騎將軍楊嚴為太尉都督中外諸 太熙元年春正月辛酉朔改元已已以尚書左僕射王

怠於政術耽於游宴寵愛后黨親貴當權舊臣不得專 才權為祠部即時論稱其夷曠平吴之後天下人安遂 代之臨朝寬裕法度有恒高陽許允既為文帝所殺允 任舞章茶廢請謁行矣爰至末年知惠帝弗克員荷然 子奇為太常丞帝将有事於太廟朝議以奇受害之門 以恭儉敦以寡欲有司害奏御牛青絲朝斷記以青麻 不欲接近左右請出為長史帝乃追述允夙望稱奇之 定四庫全書 /

恃皇孫聽客故無廢立之心復慮非賈后所生終致危

進發帝尋小間問汝南王来未意欲見之有所付託左 亮輔政又欲令朝士之有名望年少者數人佐之楊駿 秘而不宣帝復尋至迷亂楊后輒為詔以駿輔政促亮 己先及奉臣惶惑計無所從會帝小差有詔以汝南 並鎮守要害以殭帝室又恐楊氏之逼復以佑為北軍 之謀遣太子母弟秦王東都督關中楚王瑋淮南王允 候以典禁兵既而寢疾彌留至于大漸佐命元熟旨

敗遂與腹心共圖後事說者紛然久而不定竟用王

火

AND TO LOOK AS A MALION !

通志

六 † 八 孝惠皇帝諱哀字正度武帝第二子也泰始三年立為 右答言未至帝遂困寫中朝之亂實始于斯矣 武帝泰始十年咸寧五年太康十年太熙元年即 位二十六年

皇太子時年九歲太熙元年四月已西武帝崩是日皇

太子即皇帝位大赦改元為永熙尊皇后楊氏曰皇太

后立妃賈氏為皇后夏五月辛未葬武皇帝於峻陽陵

丙子增天下位一等預喪事者 二等復租調一年二千

為永平元年又部子弟及群官並不得謁陵丙午皇太 太尉前鎮西将軍隴西王泰為司空 烈将軍趙敬将屯兵四出冬十月辛酉以司空石鑒為 壬午立廣陵王適為皇太子以中書監何劭為太子太 とこう 永平元年春正月乙酉朔臨朝不設樂詔改永熙二年 保遣南中郎将石崇射聲校尉胡奕長水校尉趙俊楊 師吏部尚書王戎為太子太傅衛将軍楊濟為太子太 通志 六九

石巳上皆封關中侯以太尉楊駿為太傅輔政秋八月

大司馬汝南王亮為太宰與太保衛瓘輔政以秦王東 茂皆夷三族壬辰大赦改元賈后矯語廢皇太后為庶 劉預河南尹李斌中書令蔣俊東夷校尉文淑尚書武 復置秘書監官三月辛卯誅太傅楊駿駁弟衛將軍瑤 癸酉鎮南將軍楚王瑋鎮東將軍淮南王允来朝戊寅 子冠丁未見于太廟二月甲寅賜王公己下帛各有差 太子太保齊中護軍張劭散騎常侍段廣楊邈左将軍 人徙于金墉城告于天地宗廟誅太后母龐氏壬寅徵

鉑

定四庫全書 1

卷十上

成免東安王繇及東平王楙繇徙帶方夏四月癸亥以 壬午除天下戸調綿絹賜孝悌高年鰥寡力田者帛人 太子太傅王戎為尚書右僕射五月甲戌毗陵王軌薨 子少傅阮坦為平東將軍監青徐二州諸軍事己己以 為尚書左僕射進封東安王督將侯者千八十一人 庚 為衛将軍領北軍中候下邳王晃為尚書令東安公縣 為大將軍東平王梯為撫軍大將軍鎮南将軍楚王瑋 征東將軍梁王彤為征西大將軍都督關西諸軍事太

通志

**と** 十

笛陽公衛瓘乙丑心瑋擅害亮瓘殺之曲教洛陽以廣 龍西世子越為東海王九月甲午大将軍秦王東薨 辛 長沙王义為常山王已已進西陽公義爵為王辛未立 将鎮鄰太子太師何的為都督豫州諸軍事鎮許昌徙 征東將軍都督徐充二州諸軍事河間王顒為北中 七月分楊州荆州十郡為江州八月庚申以趙王倫為 三匹六月賈后矯 王師劉寔為太子太保司空隴西王泰録尚書事秋 **的使楚王璋殺太宰汝南王亮太保** 郎

釸

定四庫全書

を十

尉内附 子大赦九月乙酉中山王耽薨冬十一月大疫是歲沛 倫為征西大將軍都督雅梁二州諸軍事冬十二月辛 三年夏四月榮陽雨電六月弘農都雨電深三尺冬十 國雨電傷麥 酉京師地震是歲東夷十七國南夷二十四部並站校 **且徵征西大將軍梁王形為衛將軍録尚書事以趙** 二年春二月已酉賈后弑皇太后于金墉城秋八月壬

四年春三月丁酉朔侍中太尉安昌公石鑒薨夏五月 月太原王泓薨 欽

定四庫全書 /

廬舍匈奴郝散反攻上黨殺長吏六月壽春地大震死 蜀郡山移淮南壽春洪水出山崩地陷壞城府及百姓 者二十餘家上庸郡山崩殺二十餘人秋八月都散 翔都尉殺之上谷居庸上庸並地陷裂水泉涌 帥

出人有死者大饑九月丙辰赦諸州之遭地災者甲午

矢東北竟天是歲京師及郡國八地震

記遣御史巡行振貸 司空太尉雕西王泰為尚書令衛将軍梁王形為太子 代之寶十二月丙戌新作武庫大調兵器丹陽兩雹有 說足四車全書 一通志 六年春正月大放司空下邳王晃薨以中書監張華為 石生于京師宜年里是歲荆楊充豫青徐等六州大水 **鳳門新興太原上黨大風傷禾稼冬十月武庫火焚累** 地震東海雨電深五寸秋七月下邳暴風壞廬舎九月 五年夏四月彗星見于西方字于全至軒轅六月金城

とナニ

刺史解系又為度元所破秦雅氏羌悉叛推氏帥齊萬 郝散弟度元帥馮翊北地馬蘭羌盧水胡反攻北地 血 年僣號稱帝圍涇陽冬十月乙未曲赦雅涼二州十 太保丁丑地震三月東海隕霜傷桑麥彭城召縣有流 |東西百餘步夏四月大風五月荆楊二州大水向 将軍趙王倫為車騎將軍以太子太保梁王形為 大将軍都督雅梁二州諸軍事鎮關中秋八月雅 張楨死之馮翊太守歐陽建與度元戰敗績徵 征 西

子太師何幼為尚書左僕射 梁王形屯好時關中機大疫 徒京陵公王渾薨九月心尚書右僕射王戎為司徒太 處死之夏五月魯國兩電秋七月雅梁州瘦大旱隕霜 七年春正月癸丑周處及齊萬年戰於六陌王師敗績 月丙子遣安西將軍夏侯俊建威將軍周處等討萬年 八年春正月丙辰地震詔發倉廩振雅州熊人三月壬 ,秋稼關中幾米斛萬錢詔骨肉相賣者不禁丁丑司

決足日車全書 | !

通志

成大赦夏五月郊禄石破為二秋九月荆豫楊徐冀等 將軍鎮都夏四月鄰人張承基等妖言署置聚黨數千 獲齊萬年後征西大將軍梁王形録尚書事以北中郎 將河間王顒為鎮西將軍鎮關中成都王頡為鎮北大 五州大水雅州有年 九年春正月左積弩將軍孟觀伐氐戰于中亭大破之

心尚書裴顏為尚書僕射冬十一月 甲子朔日有蝕之

**郡縣逮捕皆伏誅六月戊戌太尉隴西王泰薨秋八月** 

京師大風發屋折木十二月壬戌廢皇太子適為無人 子皇孫霖卒二月丁酉大風飛沙拔木三月尉氏雨血 及其三子幽于金墉城殺太子母謝氏 月辛卯日有食之癸已梁王形趙玉倫矯語發賈后為 妖星見于南方癸未賈后矯詔害庶人適于許昌夏四 永康元年春正月葵亥朔大赦改元己卯日有蝕之丙

與數十人皆伏誅甲午倫矯詔大赦自為相國都督中

通志

七十四

庶人司空張華尚書僕射装顏皆遇害侍中賈諡及黨

害賈庶人于金墉城五月已已立皇孫戚為皇太孫尚 清河王遐薨癸卯震崇陽陵標秋八月淮南王允舉兵 為襄陽王六月壬寅葬愍懷太子于顯平陵無軍将軍 劉寔為司空淮南王允為驃騎將軍已亥趙王倫矯 討趙王倫不克允及其二子秦王郁漢王廸皆遇害曲 梁王彤為太宰左先禄大夫何幼為司徒右光禄大夫 赦洛陽平東將軍彭城王植薨改封吴王晏為 實徒縣 諸軍事如宣文輔魏故事追復故皇太子位丁酉以 定匹庫全書/ 卷十上 詔詔

太守季密汶山太守霍固西夷校尉陳總據成都反 尉録尚書事九月改司徒為丞相以梁王肜為之冬十 州刺史趙廞與畧陽流人李庠害成都內史耿勝犍為 立皇后羊氏大赦大酺三日十二月彗星見于東方益 月黄霧四塞十一月戊午大風飛砂石六日乃止甲子 王以齊王冏為平東將軍鎮許昌光禄大夫陳準為太 永寧元年春正月乙丑趙王倫篡帝位丙寅遷帝于金

墉城號曰太上皇改金墉曰永昌宫奏皇太孫臧為濮

七十五

造其將問和出伊闕張冰孫輔出烤坂以距同孫會士 陽王五緯經天縱横無常癸酉倫害濮陽王臧畧陽流 人李特殺趙廞傳首京師三月平東將軍齊王同起兵 等大敗棄軍走閏月丙戌朔日有食之夏四月歲星書 史王彦南中郎將新野公散皆舉兵應之衆數十萬倫 西大将軍河間王顒常山王人豫州刺史李毅兖州 以討倫傳機州郡屯于陽翟征北大將軍成都王頡征 定匹庫全書 許超出黃橋以距類及賴將趙驤石超戰於溴水會 刺

東菜王鞋左衛将軍王與謀廢齊王同事泄鞋廢為庶 門侯質等及倫之黨與五月立襄陽王尚為皇太孫六 月戊辰大赦增吏位二等復封實徒王晏為吴王庚午 改元孤寡賜穀五斛大酺五日誅趙王倫義陽王威九 秀孫會許超士衛縣休等皆斬之逐倫歸第即日乗 反正犀臣頓首謝罪帝曰非諸卿之過也癸亥詔大赦 左衛將軍王與與尚書淮陵王淮勒兵入宫禽倫黨孫 通志 七六

見冏將何勗盧播擊沙於陽翟大破之斬孫輔等辛酉

邊者益州刺史羅尚討羌破之己已徙南平王祥為宜 劉真安鄉公韓泰封丘公秋七月甲午立吴王晏子 封齊王問功臣葛旗年平公路季小黄公衛毅平陰公 諸軍事成都王頡為大將軍録尚書事河間王顒為大 為漢王復封常山王义為長沙王八月大赦戊辰原 都王下邳王韓薨以東平王禄為平東将軍都督徐州 人與伏誅夷三族甲成以齊王同為大司馬都督中外 罷丞相復置司徒官已卯以梁王形為太宰領司徒 國

歃

定四庫全書/

· 薨封齊王冏子水為樂安王英為齊陽王超為淮南王 是嚴郡國十二旱六蝗 為襄陽王冬十月流人李特反於蜀十二月司空何劭 諸軍事九月追東安王繇復其爵丁丑封楚王瑋子範 赦司冀兖豫四州皇太孫尚薨夏四月彗星畫見五月 太安元年春正月庚子安東将軍熊王隨薨三月癸卯 乙酉侍中太宰領司徒梁王彤薨以右光禄大夫劉寔

為太傅太尉河間王顒遣將衙博擊李特於蜀為特所

灾足四事全書!

雨志

齊王問為太師東海王越為司空秋七月兖豫徐冀等 敗特遂陷梓潼巴西害廣漢太守張微自號大将軍奏 車門攻問殺之幽其諸子于金墉城廢冏弟北海王寔 問窺伺神器有無君之心與成都王頡新野王歆范陽 大赦改元以長沙王义為太尉都督中外諸軍事封東 王城同會洛陽請廢同還第長沙王人奉乗與屯南止 四州大水冬十月地震十二月丁卯河間王顒表齊王 以清河王遐子軍為皇太子賜孤寡帛大酺五日以

姓劉氏偽號漢建元神鳳攻破郡縣南陽太守劉彬平 益州五月義陽蠻張昌舉兵反以山都人邱沉為主改 令下粹侍中馮族河南尹李含等貳於長沙王义义疑 州刺史劉弘等討張昌于方城王師敗績秋七月中書 南将軍羊伊鎮南大將軍新野王歆並遇害六月遣荆 州刺史宋岱擊特斬之傳首京師夏四月特子雄復據 二年春正月甲子朔赦五歲刑三月李特攻陷益州荆 雨忠

**萊王鞋子炤為齊王** 

紘豫章太守閻濟武昌太守劉根皆遇害昌别帥石氷 寇楊州刺史陳徽與戰大敗諸郡盡沒臨淮人封雲舉 而害之張昌陷江南諸郡武陵太守賈隆零陵太守孔 商距方於宜陽已已帝旋軍于宣武場庚午舍于石樓 秀石超等来逼京師乙丑帝幸十三里橋遣將軍皇甫 張昌戰於清水斬之願遣其將張方顏遣其將陸機牽 討長沙王又帝以义為大都督帥軍禦之庚申劉弘及 兵應之自阜陵寇徐州八月河間王顒成都王頹舉兵

鉱

定四庫全書/

將賈崇等十六人懸首銅駝街張方退屯十三里橋十 **處于東陽門外戊申破陸機于建春門石超走斬其大** 帝旋于宫石超焚缑氏服御無遺丁未破牽秀范陽王 開陽二門死者萬計石超逼乗與于缑氏冬十月壬寅 為張方所破甲申帝軍于芒山丁亥幸偃師辛卯舍于 丙申進軍缑氏擊牽秀走之大赦張方入京城燒清明 豆田癸已尚書右僕射與晉侯羊元之卒帝旋于城東 天中裂無雲而雷九月丁且帝次于河橋壬午皇南商

灾足日華 在 書一

通志

赤氣竟天隱隱有聲丙辰地震癸亥東海王越執長沙 秀才周犯前南平內史王矩前吳興內史顧秘起義軍 王义幽於金墉城尋為張方所害甲子大赦丙寅楊 司馬公私窮敢米石萬錢詔命所至一城而已壬寅 水碓皆涸乃發王公奴婢手春給兵廪一品己下 征者男子十三以上皆從役又發奴助兵號為四 月辛已星畫陨聲如雷王師攻方壘不利方次千金 THE CAN THE 夜 部

以討石水水退自臨淮趨壽陽征東將軍劉準遣廣陵

萬屯十二城門殿中宿所忌者額皆殺之以三部兵代 食以成都王顏為丞相顏遣從事中郎盛變等以兵五 飆于帝乃大赦改元為永安帝逼於河間王颙密記 州刺史劉沈春州刺史皇甫重以討之沈舉兵攻長安 而遁雄盡有成都之地封鮮甲段勿塵為遼西公 度支陳敏擊冰李雄自鄆城攻益州刺史羅尚尚委城 永與元年春正月丙午尚書令樂廣卒成都王頡 關所敗張方大掠洛中還長安於是軍中大餒人相 白 鄴 雅

足可華全書!

皇太弟都督中外諸軍事丞相如故大赦賜鰥寡高年 宫宗廟比絕成都王顏温仁惠和刻平暴亂其以顏 鴻緒于兹十有五載禍亂滔天姦逆仍起至於幽廢重 為清河王三月陳敏攻石水斬之楊徐二州平河間王 宿衛二月乙酉廢皇后羊氏幽于金墉城點皇太子軍 帛三匹大酺五日 丙辰盗竊太廟服器以太尉 題表請立成都王額為太弟戊申的日朕心 太傳劉寔為太尉六月新作三城門秋七月丙申朔 Ŀ 不德纂承 

軍餒甚超進水左右奉秋桃超遣弟熙奉帝之點頡帥 其将石超距戰已未六軍敗績于蕩陰矢及乗與百奈 分散侍中嵇紹死之帝傷頻中三矢亡六璽帝遂幸起 東海王越高密王簡平昌公模吴王晏豫章王熾襄陽 王範右僕射首潘等奉帝北征至安陽祝十餘萬詞遣 额戊戌大赦復皇后羊 氏及皇太子軍已亥司徒 王戎 右衛將軍陳珍心語百百豪入殿中因勒兵討成都王

**羣官迎謁道左帝下與涕泣其夕幸于類軍額府有九** 

灾足日華全書一

通き

唯豫章王熾司徒王戎僕射荀藩從庚申大赦改元為 黄門被囊中衛私錢三干的貸用所在買飯以供官人 單于安北将軍王浚遣烏丸騎攻成都王頡于鄴大敗 建武八月戊辰頡殺東安王繇張方復入洛陽廢皇后 錫之儀陳留王送貂蟬衣鶡尾明日乃備法駕幸于 之類與帝單車走洛陽服御分散倉卒上下無齊侍中 止食於道中客舍官人有持升餘稅米飯及燥蒜鹽豉 羊氏及太子軍匈奴左賢王劉淵反畔於離石自號大

幸長安方以所乗車入殿中帝馳避後園竹中方逼帝 喪履納從者之履下拜流涕左右皆歔欷及濟河張方 赦賞從者各有差冬十一月乙未方請帝謁廟因切帝 側方心帝幸其壘帝令方具車載官人實物軍人因虜 升車左右中黄門鼓吹十二人步從惟中書監盧志侍 **瓦盆帝噉兩孟有老父獻蒸雞帝受之至温將謁陵帝** 以進帝帝敢之御中黄門布被次獲嘉市廳米飯盛以 騎三千以陽燧青蓋奉迎方拜謁帝躬止之辛已大

安寒甚帝墮馬傷足尚書高光進面衣帝嘉之河間王 畧後官分爭府藏聽晋以來之積掃地無遺矣行次新 欽定四庫全書 / 巻きた

以征西府為宮惟僕射前藩司隸劉暾太常鄭球河南 帥官屬步騎三萬迎于霸上題前拜謁帝下車止之

臺馬丙午留臺大赦改元復為永安辛丑復皇后羊氏 尹周馥與其遗官在洛陽為留臺承制行事號為東西

李雄惜號成都王劉淵惜號漢王十二月丁亥記曰天 禍晉邦家嗣莫繼成都王頡自在儲貳及績虧損四海

本部百官皆復職齊王同前應還第長沙王又輕陷重 **鄴鎮南大將軍劉弘領荆州以鎮南土問馥終爲各還** 為太傅與太宰顒夾輔展躬司徒王戎參録朝政光禄 失望不可承重其心王還第豫章王熾先帝愛子令問 尉權鎮洛陽東中郎將模為寧北將軍都督冀州鎮于 北將軍騰各守本鎮高密王簡為鎮南將軍領司隷校 大夫王行為尚書左僕射安南将軍處安北将軍溶平 日新四海注意今以為皇太弟以隆我晉邦以司空越

費人力供御之物皆減三分之二戸調田租三分減 豐侯王戎薨隴西太守韓稚攻秦州刺史張輔殺之李 蠲除苛政愛人務本清通之後當還東京大赦改元以 雄僣即帝位國號蜀秋七月甲午尚書諸曹火燒崇禮 飲定四庫全書 / 為齊王两子張方廢皇后羊氏六月甲子侍中司徒安 河間王顒都督中外諸軍事 刑封其子紹為樂平縣王以奉其嗣自頃戎車屢征勞 二年春正月甲午朔帝在長安夏四月詔封樂平王紹

大將軍劉弘逐平南將軍彭城王釋于宛九月庚寅朔 曹武殺丹陽太守朱建李雄遣其将李驤寇漢安車騎 刺史劉喬攻范陽王虓於許昌敗之壬子以成都王頡 大放驃騎将軍范陽王處逐萬州刺史李義楊州刺史 延等轉攻鄰平昌公模遣將軍趙驤擊破之八月辛丑 公師藩又害平原太守王景清河太守馮熊庚子豫州 師藩等聚很攻陷郡縣害陽平太守李志及郡太守張

通き

十四

圍東海王越嚴兵徐方将西迎大駕成都王頡部将公

南 督統精卒十萬建武將軍吕朗廣武將軍霧貙建威將 逆擅初郡縣合聚兵衆擅用苟晞為兖州斷截王命鎮 稱 軍刀默等為軍前鋒共會許昌除與兄弟丁丑使前車 所統徑會許昌與喬并力今遣右将軍張方為大都 大將軍荆州刺史劉弘平南將軍彭城王釋等其各 **頼川太守劉與迫有驃騎将軍城距逆記令造構** 日朗屯洛陽冬十月丙子記曰得豫州刺史劉喬檄

為鎮東大将軍都督河北諸軍事鎮鄰河間王颙遣将

卷十上

歃

定四庫全書/

等東屯榮陽成都王頡進據洛陽張方劉元等並按兵 劉喬於蕭喬奔南陽右将軍陳敏舉兵反自號楚公矯 橋十一月立節將軍周權許被機自稱平西將軍復皇 不能樂范陽王處濟自官渡板榮陽斬石超襲許昌破 后羊氏洛陽令何喬攻權殺之復廢皇后十二月日朗 西竟天有星字于北斗平昌公模造将軍宋胄等屯河 被中部從污漢奉迎天子逐楊州刺史劉機丹陽太

通き

騎將軍石超北中郎將王闡討與等赤氣見于北方東

宋胄等破賴將樓裒進逼洛陽穎奔長安甲子越遣其 光熙元年春正月戊子朔日有食之帝在長安河間王 守王曠遣弟恢南界江州刺史應迎奔弋陽 顧聞劉喬破大懼遂殺張方請和於東海王越越不聽

定匹庫全書 |

囙

随北地太守刁默距祁弘等於湖五月枉矢西南流范

斬之夏四月己已東海王越屯于温顒遣弘農太守彭

虓 陽國地燃可以襲壬辰祁弘等與刀點戰點大敗颙 皇后羊氏辛未大赦改元秋七月乙酉朔日有食之太 六月丙辰朔至自長安升舊殿哀感流涕謁于太廟復 走南山奔于宛弘等所部鮮果大椋長安殺二萬餘 洛陽帝乗牛車行宫籍草公卿跋涉戊申驃騎范陽王 (吏賈艺盗太廟靈衣及鈿伏誅八月以太傅東海王) 殺司隸校尉邢喬己西盗取太廟金匱及策文各四 日日光四散赤如血甲午又如之己亥弘等奉帝還

J. d.s. |

通志

越録尚書驃騎將軍范陽王虓為司空九月頓邱太守 帝亦疑馬嘗悉召東宫官屬使以尚書事令太子決之 馮嵩執成都王顏送之于鄰進東贏公騰爵為東燕王 十八葬太陽陵帝之為太子也朝廷成知不堪政事武 劉與害成都王顏十一月庚午帝崩予顯陽殿時年四 子不學陛下所知今宜以事斷不可引書妃從之弘乃 平昌公模為南陽王冬十月司空范陽王處薨處長史 定匹庫全書 | 不能對買如遣左右代對多引古義給事張泓曰太

皆疾時之作也帝又常在華林園聞蝦蟆聲謂左右曰 出羣下綱紀大壞貨路公行勢位之家以貴陵物忠賢 類也後因食避中毒而崩或曰司馬越之熄云 及天下荒亂百姓餓死帝曰何不食肉糜其蒙蔽皆此 此鳴者為官乎私乎或對曰在官地為官在私地為私 作釋時論南陽魯聚作錢神論廬江杜嵩作壬子春秋 路絕讒邪得志更相薦舉天下謂之五市馬高平王沉

八十人

具草令帝書之武帝覧而大悅太子遂安及居大位政

定匹庫全書 | 惠帝永平九年元康元年太安二年永興二年光 熙元年即位十六年

封豫章郡王屬惠帝之時宗室構禍帝冲素自守門絕 孝懷皇帝諱熾字豐度武帝第二十五子也太熙元年

趙王倫篡見收倫敗為射聲校尉累遷車騎大将軍都 賓游不交世事專玩史籍有譽於時初拜散騎常侍及

督青州諸軍事未之鎮永與元年改授鎮北大将軍都

哲鄰城守諸軍事十二月丁亥立為皇太弟帝八清河

嫂不得為太后催清河王覃入已至尚書閤侍中華焜| 弦於霸水宜及吉辰時登儲副上翼大駕早寧東宫下 營王室志寧社稷儲貳之重宜歸時望親賢之舉非大 光熈元年十一月庚午孝惠帝崩羊皇后以於太弟為 允點首顒顒之望帝曰卿吾之宋昌也乃從之 今乗與播越二宮又曠常恐氏羌飲馬於涇川螘农控 王而誰清河幼弱未允农心是以既升東宫復對藩國

王軍本太子也懼不敢當典書令廬陵脩肅曰二相經

孝惠皇帝于太陽陵李雄别帥李離寇凉州 等急召太弟癸酉即皇帝位大赦尊皇后羊氏為惠皇 永嘉元年春正月癸丑朔大赦改元除三族刑以太傅 中書監温美為司徒尚書左僕射王行為司空己酉葬 融為樂城縣王南陽王模殺河間王顒於雅谷辛丑以 為皇后十二月壬午朔日有食之已亥封彭城王植子 后居弘訓官追尊所生太妃王氏為皇太后立妃梁氏

定四庫全書/

東海王越輔政殺御史中丞諸葛政二月辛已東菜人

為征南大將軍都督荆州諸軍事鎮襄陽改封安北将 征南將軍南陽王模為征西大將軍都督秦雅梁益四 軍東燕王騰為新蔡王都督司冀二州諸軍事鎮鄴以 · 依並遇害二月已未朔平東将軍周馥斬送陳敏首丁 大赦庚辰東海王越出鎮許昌以征東將軍高密王簡 王彌起兵反寇青徐二州長廣太守宋羆東年太守羅 改葬武悼楊皇后唐午立豫章王詮為皇太子辛未

州諸軍事鎮長安并州諸郡為劉淵所陷刺史劉琨獨

As date |

通志

八+九

進屯官渡以討汲桑已未以平東將軍琅邪王廥為安 夷攻陷寧州死者三千餘人秋七月已酉朔東海王越 步廣里地陷有二親出蒼者中天白者不能飛建寧郡 遂陷郭城害新蔡王騰燒郭宫火旬日不滅又殺前坐 保晉陽夏五月馬牧帥汲桑聚农反敗魏郡太守馮嵩 東將軍都督楊州江南諸軍事假節鎮建鄴八月己卯 ,刺史石勘於樂陵入掠平原山陽公劉秋遇害洛陽 撫軍将軍苟晞敗沒桑於鄴甲辰曲放幽并司冀究 定匹厚全 建

破汲桑陷其九壘辛亥有大星如日小者如斗自西方 等斬汲桑于樂陵甲午心前太傅劉寔為太尉庚子心 通運冬十一月戊申朔日有食之甲寅以尚書右僕射 流於東北天盡亦俄有聲如雷始修千金揭於許昌以 光禄大夫延陵公高光為尚書令東海王越矯詔囚清 河王軍于金墉城癸卯越自為丞相以撫軍将軍的晞 郁為征北将軍鎮都十二月戊寅并州人田蘭薄盛

通志

九 十 豫等六州分荆州江州八郡為湘州九月戊申苘晞又

為征東大將軍 二年春正月丙午朔日有食之丁未大赦二月辛卯清

窗

定匹犀至 11 1

王沒討破之三月東海王越鎮鄄城劉淵侵汲郡客有 河王單為東海王越所害庚子石勒寇常山安北将軍 邱河内之地王彌寇青徐兖豫四州夏四月丁亥入

抽奔京師河東太守路述力戰死之八月丁亥東海王

臨准王 藩為尚書令已酉石勒寇鄴魏郡太守王粹戰敗死之 高密王簡薨以尚書左僕射山簡為征南将軍都督荆 三年春正月甲午彭城王釋薨三月戊申征南大將軍 十二月辛未朔大赦立長沙王人子碩為長沙王尠為

越自鄄城遷屯于濮陽九月石勒寇趙郡征北将軍和

郁自新奔于衛國冬十月甲戌劉淵偕帝號於平陽仍

稱漢十一月乙巳尚書令高光卒丁未以太子少傅

一、東日事 全書一

通志

南郡丁卯太尉劉寔請老以司徒王行為太尉東海王 縣百餘壁秋七月戊辰當陽地裂三所各廣三丈長三 四月左積弩將軍朱誕叛奔于劉淵石勒攻陷冀州郡 越領司徒劉淵宠黎陽遣車騎将軍王堪擊之王師敗 中書今繆播帝舅王延等十餘人並害之丙寅曲赦 河 相交廣等四州諸軍事司隸校尉劉殿為尚書左僕射 丁已東海王越歸京師乙丑勒兵入宫於帝側收近臣 于延津死者三萬餘人大旱江漢河洛皆竭可涉夏

賊九月丙寅劉聰圍浚儀遣平北将軍曹虎討之丁丑 融曹超及聰戰文敗超融死之上黨太守履淳以郡降 王師敗續東海王越入保京城聰至西明門越禦之戰 與芒蕩合黨劉淵遣子聰及王彌寇上黨圍壺關并州 號於馬蘭山支胡五斗叟郝索聚农數干為亂屯新豐 百餘步辛未平陽人劉芒蕩自稱漢後莊誘羌戎偕帝 刺史劉珥使兵救之為聰所敗淮南內史王曠將軍施

於宣陽門外大破之石勒寇常山安北将軍王沒使鮮

飲定四車全書/

京師聰退走惲等又破王彌于新汉十二月乙亥夜有 將軍王斌遇害因屠黎陽乞活帥李惲薄盛等帥衆救 堪平北将軍曹虎討劉聰王師敗績堪奔還京師李雄 其將淳于定破劉芒蕩五斗叟並斬之使車騎將軍王 夷道山崩荆湘二州地震冬十一月石勒陷長樂安北 **早騎教之大破勒於飛龍山征西大將軍南陽王模使** 前羅美以梓蓮歸順劉聰攻洛陽西明門不赴宜都

白氣如帶自地升天南北各二丈

|木地震幽并可冀秦雅等六州大蝗食草木牛馬毛皆 執太守胡罷逐南濟河榮陽太守裴純奔建都大風折 靈程于廣宗李雄陷梓潼兖州地震五月石勒寇汲郡 帥鄉人討瑜斬之夏四月大水將軍祁弘破劉淵將劉 吴與人錢增反自稱平西將軍三月丞相倉曹屬問犯 表子戰敗為其部下所害勒又襲白馬車騎將軍王堪 能定四事全書/**■** 死之李雄將文碩殺雄大將軍李國以巴西歸順戊午 四年春正月乙丑朔大赦二月石勒襲鄄城兖州刺史

盡六月劉淵死其子和嗣偽位和弟聰斌和而自立秋 降于石勒徐州監軍王隆旬下邳棄軍奔于周馥雅州 七月聰從弟曜及其將石勒圍懷站在虜將軍宋抽殺 杜鞋並遣兵援京師及如戰於宛諸軍皆大敗王澄獨 各起兵應之征南將軍山簡荆州刺史王澄南中即將 人王如舉兵反於宛殺害令長自號大將軍司雅二州 之為曜所敗抽死之九月河内人樂仰執太守裴整叛 大掠漢沔新平人雕寔馮翊人嚴疑京兆人俱脫等

軍劉琨為平北大將軍京師熊東海王越羽機殺天下 敗之勒走河北壬子以驃騎将軍王沒為司空平北将 討勒於沒石津大破之十一月甲戌東海王越帥农出 建矣時莫有至者石勒陷襄陽太守崔曠遇害遂至宛 大星西南墜有聲壬寅石勒圍倉垣陳留內史王讃擊 兵帝謂使者曰為我語諸征鎮若今日尚可收後則無 以衆進至汴口衆潰而歸冬十月辛卯畫昏至于庚子 王浚遣鮮甲文為的騎殺之勒退沒又遣别將王申始

旭北

二月征東大将軍苟晞攻王彌别帥曹疑破之乙酉平 陽大疫死者三千餘人加涼 州刺史張軌安西將軍十 使裝額討馥為馥所敗走保東城請救於琅邪王容襄 彌於瓶壘破之鎮東將軍周馥表迎大駕遷都壽陽越 越軍次項自領豫州牧以太尉王行為軍司丁丑流氏 交横府寺營署並掘墊自守盜賊公行抱鼓之音不絕 許昌以行臺自隨官省無復守衛荒謹日甚殿內死人 **隗伯符襲宜都太守松晞奔建鄰壬申申始攻劉曜王** 欽定四庫全書 | 《

陽人李洪帥流人入定陵作亂 五年春正月帝密的尚晞討東海王越壬申晞為曹疑

**晞癸酉勒入江夏太守楊珉奔于武昌乙亥李雄攻陷** 涪城梓潼太守熊登遇害 湘州流人杜 弢據長沙反戊 所破乙未越遣從事中即將楊瑁徐州刺史裴盾共擊

於壽春馥衆潰庚辰太保平原王幹薨二月石勒寇汝

汝南王秸奔建鄴三月戊午詔下東海王越罪状告

寅安東將軍琅邪王睿使將軍甘卓攻鎮東將軍周馥

越莞四月戊子石勒追東海王越喪及於東郡将軍錢 欽定四庫全書 方鎮討之以征東大将軍苟晞為大将軍丙子東海王

端戰死軍潰太尉王衍吏部尚書劉望廷尉諸葛銓尚

書鄭豫武陵王澹等皆遇害王公己下死者十餘萬人 益州流人汝班梁州流人蹇撫作亂於湘州虜刺史尚 冷道陷徐州刺史裴盾遇害桑遂濟淮至于歷陽五月 東海世子毗及宗室四十八王尋又沒于石勒賊王桑

何曾無車與刀使司徒傳私出的河陰修理舟楫為水 黄門經資財不欲出至是幾甚人相食百官流亡者 十 遷都倉垣帝將從之諸大臣畏滔不敢奉站且宫中及 八九帝召羣臣會議將行而警衛不備帝撫手影曰如 東海王越之出也使河南尹潘滔居守大将軍的晞表 書令首藩為司空安東將軍琅邪王睿為鎮東大將軍 鄭融衡陽內史滕育並遇害進司空王沒為大司馬征 西大将軍南陽王模為太尉太子太傅傳祗為司徒尚 通志

盗所掠不得進而還六月癸未劉曜王彌石勒同寇洛 幸長安為曜等所追及曜等遂焚燒宫廟通辱妃后吴 夫首組奔輾轅太子左率温畿夜開廣莫門奔小平津 行之備朝士數十人尊從帝步出西掖門至銅駝街為 王晏竟陵王林尚書左僕射和郁右僕射曹馥尚書問 邱冲衣粲王紀河南尹劉默等皆遇害百官士庶死者 ,酉劉曜王彌入京師帝開華林園門出河陰親池欲 王師頻為賊所敗死者甚农庚寅司空尚藩光禄大

定匹庫全書|

遺人四千餘家奔漢中九月癸亥石勒襲陽夏至于蒙 皇太子自領尚書令具置官屬保深國之蒙縣百姓饒 縣大将軍的晞豫章王端並沒于賊冬十月勒寇豫州 使子祭攻陷長安太尉在西將軍南陽王模遇害長安 百官署征鎮石勒寇穀陽沛王滋戰敗遇害八月劉聰 儉米斛萬餘價秋七月大司馬王沒承制假立太子置 機州鎮以琅邪王為盟主豫章王端東奔茚晞站之為 三萬餘人帝蒙塵於平陽劉聰以帝為會稽公首藩移 通志

諸郡至江而還十一月猗盧寇太原平北将軍劉琨不 能制徒五縣百姓於新興以其地居之 馬王浚移檄天下稱被中詔承制以荀藩為太尉汝陰 鎮東大將軍現邪王睿上尚書機四方以討石勒大司 胡亢聚浓寇荆土自號楚公二月壬子日有蝕之癸丑 六年春正月帝在平陽劉聰寇太原故鎮南府牙門將 定四庫全書 |

月歲星榮感太白聚于斗牛石勒寇冀州劉粲寇晉陽

王熙為石勒所害夏四月丙寅征南将軍山簡卒秋七

欽

孫赴現不得進辛已前雅州刺史賈及討劉粲於三輔 原太守高喬以晉陽降祭八月庚戌劉現奔于常山己 秦王鄰為皇太子於長安冬十月猗盧自将六萬騎次 劉琨乞師于猗盧表盧為代公九月已卯猗盧使子利 亥陰平都尉董冲逐太守王鑒心郡叛降于李雄辛亥 于盆城十一月甲午劉粲遁走劉琨收其遺衆保于陽 走之關中小定乃與衛將軍梁芬京兆太守梁綜共奉 平北将軍劉琨遣部將都詵帥祝禦祭詵取績死之太

決足り事 全書 | ·

通去

九十八

七年春正月劉聰大會使帝著青衣行酒侍中庾珉號 曲是崴大疫

其後竟以豫章王為皇太弟在東宫恂尚謹損接引朝 嘉禾生於豫章之南昌先是望氣者云豫章有天子氣 哭聰惡之丁未帝遇弑崩于平陽時年三十帝初誕有

士講論書籍及即位始遵舊制臨太極殿使尚書郎讀

時令又於東堂聽政至於宴會輒與犀官論衆務考經

籍黄門侍郎傅寅數日今日復見武帝之世矣秘書監

孝愍皇帝諱都字彦旗武帝孫吴孝王晏之子也出繼 軍将軍及洛陽傾覆避難於荣陽密縣與舅前藩前組 足為守文住主而繼惠帝擾亂之後東海專政無此属 相遇自密南趨許賴豫州刺史閻鼎與前撫軍長史王 後伯父秦獻王東襲封秦王永嘉二年拜散騎常侍無 之釁而有流亡之禍 懷帝永嘉七年

The syntam

九十九

荀崧又常謂人曰懷帝天姿清幼少者英敵若遭承平

城南馬六年九月辛已奉秦王為皇太子登壇告類建 毗司徒長史劉畴中書郎李昕及藩組等同謀奉帝歸 保為大司馬賈疋討賊張連遇害衆推始平太守麴允 宗廟社稷大赦加足征西大將軍以秦州刺史南陽王 遂挾帝乗牛車自宛超武關頻遇山城士卒亡散次于 于長安而轉等中塗復叛鼎追殺之藩組僅而獲免鼎 使輔軍将軍梁綜助守之時有玉龜出霸水神馬鳴 田鼎告雅州刺史賈正正遠遣州兵迎衛達于長安

定匹厚全 書

書右僕射石勒及龍驤将軍李惲於上白惲敗死之五 督陝東諸軍事大司馬南陽王保為右丞相大都督陝 月壬辰以鎮東大將軍現邪王睿為侍中左丞相大都 皇帝位大赦改元以衛将軍梁芬為司徒雅州刺史麴 建與元年夏四月丙午奉懷帝崩問舉哀成禮壬申即 允為使持節領軍將軍録尚書事京兆太守索綝為尚 領雅州刺史為盟主承制選置

西諸軍事詔二王尅期大舉六月石勒害兖州刺史田

敗己已大兩雹庚午大雪十一月流人楊武攻陷梁州 徽是時山東郡國相繼陷于勒秋八月癸亥部命始達 冬十月荆州刺史陶侃討杜改黨杜曽於石城為曽所 城邑弢别将王真襲沔楊荆州刺史周顗奔于建康九 二年春正月已已朔黑霧著人如墨連夜五日乃止辛 十二月河東地震雨肉 月司空荀藩薨于滎陽劉聰寇河南河南尹張髦死之 于揚州改建鄰為建康改鄰為臨漳杜弢寇武昌燒焚 定四庫全書/

邑害萬餘人社弢别帥王真襲荆州刺史陶侃於林郭 尉封西平郡公并州刺史劉琨為大將軍三月癸酉石 侃奔灄中夏四月甲辰地震五月壬辰太尉領護羌校 未辰時日陨于地又有三日相承出於西方而東行丁 後為大司馬衛將軍首組為司空涼州刺史張軌為太 丑大赦楊武大畧漢中遂奔李雄二月壬寅以司空王 陷幽州殺侍中大司馬幽州牧博陵公王浚焚燒城

尉凉州刺史西平公張軌薨六月劉曜趙冉寇新豐諸

通志

百二

縣安東將軍索絲討破之秋七月曜冉等又逼京師領 軍將軍麴光討破之冉中流矢而死九月北中郎將劉 代公猗盧遣使獻馬蒲子馬生人 寅尅頻邱斬石勒所署太守邵攀丙戌麟見襄平單于

定匹庫全書/

表珍以侍中宋指為平東将軍屯華陰二月丙子進左 三年春正月盗殺晉昌太守趙珮吳與人徐馥害太守

丞相琅邪王容為大都督督中外諸軍事右丞相南陽

王保為相國司空荀組為太尉大將軍劉琨為司空進

薄太后陵太后面如生得金玉綠帛不可勝紀時以朝 钦定四車全書 通志 大赦勉雅州掩骼埋皆修復陵墓有犯者誅及三族秋 死之三月豫章內史周訪擊杜弘走之斬張彦於陳夏 七月石勒陷濮陽害太守韓弘劉聰寇上黨劉琨遣將 廷草創服章多関勃收其餘以實內府丁卯地震辛己 四月大赦五月劉聰寇并州六月盗發漢霸杜二陵及 弢别将杜弘張彦與臨川內史謝搞戰于海昏擒敗績 封代公猗盧為代王荆州刺史陶侃破王真於巴陵杜 百三

守梁肅奔萬年十二月京州刺史張寔送皇帝行璽一 劉曜寇上郡太守藉韋率其屬奔于南鄭涼州刺史張 軍索綝為尚書僕射都督宫城諸軍事劉聰陷馮翊太 紐盜殺安定太守趙班 軍麴允討之冬十月允進攻青白城以豫州收在東将 杜改弢敗走道死湘州平九月劉曜寇北地命領軍将 救之八月癸亥戰于襄垣王師敗續荆州刺史陶侃攻 四年春三月代王猗盧薨其衆歸于劉琨夏四月丁丑

宋哲始平太守竺恢等同赴國難麴允與公卿守長安 建成将軍魯充散騎常侍梁雄少府皇甫陽等皆死之 欽定四庫全書 通志. 八月劉曜倡京師內外斷絕鎮西將軍焦嵩平東將軍 北地太守麴昌奔于京師曜進至涇陽渭北諸城悉潰 月劉曜攻北地麴允帥步騎三萬校之王師不戰而潰 千餘家叛降于李雄六月丁已朔日有食之大蝗秋七 出奔五月平夷太守雷照害南廣太守孟桓師二郡三 寔遣步騎五千来赴京都石勒陷虞邱北中即將劉寅

盡帝泣謂允曰今窘厄如此外無救援死於社稷是朕 未使侍中宋敞送牋於曜帝乘羊車內袒街壁輿觀出 庶令黎元免屠爛之苦行矣遣書朕意决矣十一月 乙 者大半太倉有麴數十遊麴允屑為粥以供帝至是復 事也然念将士暴離斯酷今欲聞城未陷為羞死之事 橋並不敢進冬十月京師熊甚米斗金二两人相食死 郡兵東屯霸上鎮軍將軍胡松帥城西諸郡兵屯遮馬 小城心自固散騎常侍華輯監京兆馮翊弘農上洛四

書辛賓梁允侍中梁濬散騎常侍嚴敦左丞相减振黃 門侍郎任播張偉杜曼及諸郡守並為曜所害華輯奔 降羣臣號泣攀車執帝之手帝亦悲不自勝御史中丞 侯主寅聰臨殿帝稽首于前麴允伏地慟哭因自殺尚 塵於平陽麴允及羣官並從劉聰假帝光禄大夫懷安 原以應之及帝如曜營營實在城東豆田壁辛丑帝蒙 吉朗自殺曜焚機受壁使宋敞奉帝還宫初有童謠曰 天子何在豆田中時王沒在幽州以豆有藿殺隱士霍

通志

南山石勒圍樂平司空劉琨遣兵援之為勒所敗樂平 将軍宋哲奔江左李雄使其将李恭羅寅寇巴東二 太守韓據出奔司空長史李弘以并州叛降于勒十一 五年春正月帝在平陽庚子虹霓彌天三日並照平東 月甲申朔日有食之己未劉現奔薊依段匹磾 定四庫全書! 月

邪王睿承制改元稱晉王於建康夏五月 丙子日有食


之秋七月大旱司冀青雅等四州螽蝗石勒亦競取百

城中戶不盈百牆字顏毀嵩棘成林朝廷無車馬章服 時年十八帝之繼皇統也屬永嘉之亂天下崩離長安 實抱帝慟哭為聰所害十二月戊戌帝遇弑崩于平陽 帝行車騎將軍我服執我為尊百姓聚而觀之故老或 而更衣又使帝執盖晉臣在坐多失聲而泣尚書郎辛 **歔欷流涕聰聞而惡之聰後因大會使帝行酒洗爵反** 於定類遂害之冬十一月丙子日有食之劉聰出獵令 姓禾時人謂之胡蝗八月劉聰使趙固襲衛將軍華薈

惟桑版署號而已聚惟一旅公私有車四乗器械多闕 運饋不繼巨狷滔天帝京危急諸侯無釋位之志征鎮 闕勤王之舉故君臣窘迫以至殺辱云 通志卷十上 愍帝建與五年 右自武帝受禪至愍帝合五十二年是為西晉 元帝與江東為東晉

敢定四庫全書......

卷十上



腾 錄 監 生 臣 終 於 官 檢 討 臣

張王侍 泰伯朝